



C40  
4514  
(133)



80 1 2 3 4 5 6 7 8 9 100 1 2 3 4 5 6 7 8 9 100

大正十三年五月十五日

寄  
田健次郎氏

C 40-45-14

丁翁之友請天藏及有  
家書置之武州若雲山  
我徵榮塔院直府以永  
為學者不敢許出院內  
當山三世鐵牛機謹書



B 64853

## 重刻大藏一覽序



佛法自漢入中土初僅四十二章魏晉及  
唐西使幾遣東譯無筭由宋至元宗門之

詮著與儒彥之參觀日多

皇明啓運彙爲大藏曰經曰律曰論五千  
餘卷帙浩繁窮年莫竟卽耆宿檢閱難

周何況初地雖名刹尊藏不易何論僻所則一覽之編陳居士實之心良勤矣夫亦舉要鉤玄上根循之而窺大全勝果妙因中人聞之而信心勃起也凡爲卷十分八門六十品系以因緣一千一百八十一則八門次第相承而善惡獨多無非以果報

提醒衆生之愚濁品始于先王終于流通則又以宣揚敷布使人共得覩聞受持爲報恩第一義蓋有世界必有衆生有衆生乃成世界而有衆生又因壞世界何也衆生性皆是佛性衆生性不昧卽能見佛故知山河大地皆心所造天人流轉終歸有

漏而必求所以安身立命之處衆生性昧  
卽不見佛上智以畢世爲完修以不朽爲  
後世名畢竟從名心起念于真性何涉濟  
惡不才者遂以恣睢爲適性禍淫爲不必  
然逞欲任情苟逃于目前之罪譴謂克暴  
爲得計當世之非笑萬年之罵詈俱不復

顧執此惑見一夫自用萬夫受其慘毒矣  
不有佛法以報應之禍福千劫萬劫不得  
消磨者喚回醉夢何所底止哉茲編一千  
餘則因緣獨於此表揚不已意在斯乎意  
在斯乎世人高明者少而卑暗者多慈祥  
者固不乏人而殘忍者尤衆欲引之於性

命必先引之於趨向欲引之于向善而去  
惡必先引之于懼禍而求福因果不爽于  
窮劫現在可知懺悔可消于無始當下何  
難茲編流通世間俾管窺之下士寡陋之  
村巷凶頑之結習皆得領其梗槩沃其清  
冷作大懽喜開大方便所誘化林林總總  
者豈鮮淺哉廣辯姚居士余外家尊行也  
少負才名晚耽禪悅好行其德于所不知  
尤加意檀施留心貝葉與其子茂才君復  
等共尊三寶三塔大士殿倡衆鳩工重刻  
楞伽楞嚴諸經而于茲編念舊刻之漫漶  
特捐貲剏刪親自校訂自行妙解作跋而

令不佞爲之序余媿無樂天子瞻之見地  
聊卽一覽之條貫論次若此惟大善知識  
開其固陋云

萬曆甲寅孟冬翰林院侍讀學士秀水陳  
懿典書于學圃軒



大藏一覽目錄

第一卷

先王品	因地品	示生品
出家品	成道品	度生品
入滅品	常住品	原道品
教興品	優劣品	究竟品
釋疑品	證驗品	托胎品
五蘊品	煩惱品	

第二卷

三歸品 十善品 布施品

第三卷

持戒品 忍辱品 精進品  
禪定品 般若品

第四卷

方便品 造像品 事親品  
雜緣品 十惡品

第五卷

懺悔品 臨終品 報應品

第六卷

賢劫品 諸天品 四洲品  
有情品 地獄品 三災品  
劫量品 大千品

第七卷

四衆品 入道品 聲聞品  
緣覺品 菩薩品 等覺品

第八卷

法身品 相好品 神足品

大藏一覽 目錄

### 十號品

### 第九卷

教相品 持誦品 唐梵品

### 第十卷

彌貳品	正傳品	傍出品
分派品	散聖品	流通品

### 大藏一覽目錄

畢

### 大藏一覽第一卷

寧德優婆塞陳 實謹編

秀水居士姚舜漁重緝

### 第一門

首標大覺先容 俯爲衆生作則

先王品

混沌天地以開端 乃祖始王之統御  
釋迦譜云劫初天地大水彌滿風吹漸減次第  
結沫化爲天宮乃至山嶽平陸成洲深堰成海

從上至下。依舊建立。光音天人乃飛下來。各有身光。飛行自在。地味香甘。因食彼故。體重光滅。復飛不起。日月始生。乃分晝夜。因貪食故。地味遂滅。復生婆羅。婆羅滅故。復生粳米。長四寸半。朝割暮生。因食米故。方分男形女相。後貪積聚。割不復生。機心一動則物離其真。嘗聞東萊力移以近代方古。梗而海魚不出。合浦貪珠而璣蚌遠來。不生未足爲異。後相侵盜。無能決者。議立一智者三摩多。爲平等王。賞善罰惡。衆共給之。彩字

函第  
卷〇 混沌詳見三  
火劫量二品

起世因本經云。是平等王子孫相承。三十三世善思王。後乃證轉輪聖王之位。王四天下。直至師子煩王。凡一百丹一萬五十六王。師子煩生四子。一名淨飯。一名白飯。三名斛飯。四名甘露飯。淨飯王生二子。一名悉達多。一名難陁。白飯二子。一名帝沙。一名難提迦。斛飯二子。一名阿尼婁。一名跋提梨迦。甘露飯二子。一名阿難陁。一名提婆達多。且悉達多世尊小名。一子名羅睺。

羅狀字函第  
十卷



求胡麻油爲吾塗洗。廣熾歡喜。辨油自往爲佛塗洗。釋然除愈。軟音慰諭。廣熾踊躍。卽發願言。願我未來當得作佛名號眷屬。時處弟子。如今世尊等無有異。當知彼陶師者。卽我釋迦。由本願故。令名號等。如昔不異。最初逢事釋迦牟尼等。七萬五千佛是名初劫。阿僧企耶滿從此以後。乃至逢事燃燈如來。七萬七千佛是名第二劫。阿僧企耶滿復從此後。乃至逢事勝觀如來。是名第三劫。阿僧企耶滿此後復經九十一劫。

修妙相業。直至逢事迦葉波佛方得圓滿。

心字  
肉第

過現因果經云。至普光佛乃燃燈之異名出興于世。爾

時善慧仙人。因與五百外道論議破其異見。時五百人求爲弟子。各以銀錢一枚上之。善慧聞佛出興。令燈照王迎請供養。擊鼓唱令。國內名花。皆不得買。悉以輸王。善慧聞已。心大懊惱。欲訪花所。忽遇瞿夷持花七莖。畏王制令。藏著瓶中。善慧至誠感花踊上。追呼就買。此女答言。當

送內宮。欲以上佛不可得也。善慧告言。五百銀  
錢雇五莖花瞿夷問曰。欲花何用。善慧答言。欲  
以獻佛。瞿夷又問。獻佛何爲。善慧答曰。爲欲成  
就一切種智。度脫衆生。瞿夷念言。今此男子。乃  
爾志誠。不惜錢寶。卽語之曰。我今當以此花相  
與。願我生生常爲君妻。善慧答言。我修梵行。求  
無爲道。不得相許生死之緣。瞿夷卽言。不從我  
願花不可得。善慧又曰。汝若決定不與我花。當  
從汝願。我好布施。不逆人意。若使有來從我求。

乞頭目髓腦。及與妻子。汝莫生礙壞吾施心。瞿  
夷答言。敬從來命。令我女弱。不能得前。併寄二  
花以獻於佛。使我生生不失此願。好醜不離必  
置心中。令佛知之。時燈照王領諸官庶持妙香  
花種種供具。出城迎佛。王臣禮敬。散獻名花。花  
悉墮地。善慧見諸人衆。供養畢已。諦觀如來相  
好之容。欲滿種智。度衆生故。卽散五花。皆住空  
中化成花臺。後散二莖。亦止於空。爾時王民龍  
天八部。見此奇特。歎未曾有。於是普光如來讚

曰善哉汝以是行過僧祇劫當得成佛號曰釋迦牟尼旣授記已佛經行處而地濁濕善慧卽脫所着鹿皮之衣以用布地解髮覆之佛踐而度復記之曰汝後得佛當於五濁惡世度諸天人不以爲難必如我也是時善慧投佛出家曰言世尊我昨得此五種奇夢一者夢臥大海二者夢枕須彌三者夢諸衆生入我身內四者夢手執日五者夢手執月唯願世尊爲我解說普光答言夢臥海者汝在生死大海之中夢枕須

彌者出於生死夢諸衆生入身內者爲彼作歸依處夢執日者智光普照夢執月者清涼度生令離熱惱此夢因緣是汝將來成佛之相善慧聞已不勝踊躍後至普光如來入滅善慧比丘護持正法滿二萬歲度生莫計命終上生爲四天王化諸天衆盡彼天壽下生人間爲轉輪王王四天下七寶具足一金輪寶二白象寶三紺馬寶四神珠寶五玉女寶六主藏臣寶七主兵臣寶千子具足皆悉勇健能伏怨敵十善化民

於此壽終。上生忉利。爲彼天主壽終。下生復爲輪王。又昇梵天。上作天帝。下爲聖主。各三十六反。終而復始。其間或爲仙人。或爲外道六師。或爲婆羅門。或爲小王。如是變現。不可稱數。辭字函。

釋迦譜云。善慧菩薩。功行滿足。位登十地。生兜率天。一生補處。名聖善白。爲諸天師。隨應說法。期運將至。當下作佛。現五種瑞。一者放大光明。普照三千大千世界。二者大地十八相動。三者

魔宮隱蔽。四者日月無光。五者八部悉皆震動。告諸天子。當知我於無量劫來。唯此一生。正是度脫衆生之時。我當應下生闍浮提。其諸天子。咸共議言。當使菩薩現生何種。或有說言。維提種摩竭國。其母雖正。其父不真。拘薩大國。父母宗族。皆不真正。和沙國土。受他節度。維耶離國。喜諍不和。鎧樹國風。舉動虛妄。餘國邊地。佛之至尊。皆不應生。唯有維羅衛國。乃三千大千世界之中。人民滋茂。植種德本。其淨飯王。種族第

一。性行仁賢。夫人貞良。猶天玉女。護身口意。則五自世爲菩薩母。應可降神受彼胞胎。

示生品

爰從兜率降來儀。慶誕毗嵐示色相。  
菩薩問諸天子。以何形貌降神母胎。或言儒童。  
形或言日月王形。或言白象形。所以者何。世有  
三獸。一兔。二馬。三象。兔之渡水。趣自渡耳。馬雖  
差猛。猶故不知水之淺深。白象之渡。盡其源底。  
聲聞緣覺。其猶兔馬。雖度生死。不達法本。菩薩

大乘譬如白象。解暢三界十二緣起。了之本無。  
一切莫不蒙濟。春末夏初。不寒不暑。適在時宜。  
菩薩以四月八日化乘白象。冠日之精。因母晝  
寢。以示其夢。從右脇入。夫人夢寤。自知身重。天  
獻飲食。自然而至。不復樂於人間之味。菩薩在  
胎。母無妨礙。晨朝爲色界天說法。日中爲欲界天  
說法。晡時爲諸鬼說法。於夜三時亦復如是。  
成熟利益無量衆生。於是兜率天衆念言。菩薩  
已託淨飯王宮。我等亦當下生人間。菩薩成佛。

我得聞法。卽更託於諸國王臣。或婆羅門長者。居士等家。凡九十九億菩薩住胎十月滿足。四月八日。夫人將諸綵女遊藍毗尼園。攀無憂樹。子時樹下。忽出蓮華大如車輪。菩薩化從夫人右脇而生。墮彼華上。自行七步。舉其右手。作師子吼。天上天下。唯我獨尊。時四天王。卽以天繒接太子身。置寶杌上帝。釋執蓋。梵王持拂。左右侍立。九龍空中吐清淨水。一溫一涼。灌太子身。三十二相八十種好。放大光明。普照三千大千。

世界天龍八部滿虛空中。作天伎樂。雨妙香花。瓔珞天衣。不可稱數。所感瑞應。二十有四羣生繁悉不能錄

普利地獄停酸。同日八大國王皆生太子。諸釋種姓。生五百男。國中居士長者。亦悉生男。及八萬四千廄馬。生駒宮中五百伏藏。發現又諸大商採寶。俱還。卽名太子爲悉達多。漢言頓古適生七日。其母摩耶夫人命終。以懷天師功福大故。上生忉利。封受自然。太子自知福德威重。無有女人堪受禮者。故因將終。托之而生。爾時姨母摩

訶波闍波提乳養太子。如母無異。召諸婆羅門。占太子相。嘆未曾有。若當出家成一切智。若在家者爲轉輪王。王聞此語。心大歡喜。婆羅門又白王言。有一梵仙名阿私陀。具足五通。在於香山。彼之善相可決。王疑王纔作念。彼便遙知。騰虛而來。旣見太子。忽然悲泣。王大憂怖。問仙人。言子何不祥。仙人答曰。太子具足三十二相。在家爲轉輪王。出家成等正覺。轉大法輪。我今年已百二十歲。不久命終。不聞說法。故自悲耳。大

子漸長。因王嚴駕。抱謁於大自在天廟。時諸神象。悉能起拜太子之足。父王驚嘆。我子於天神中最尊最勝。宜宇天中。天年及七歲。當修學時。遍訪國中。聰明婆羅門。名曰選友。爲太子師。太子問曰。以何書典。而相教乎。其師答曰。梵佉留書。太子曰。其異書者。六十有四。今師何言止有二種。師問何名。答曰。梵書。波羅門書。佉留書。仙書。駢脣龍鬼書。犍沓和書。香書。阿須倫書。阿修羅書。書多不盡錄。畧舉四五。

80 1 2 3 4 5 6 7 8 9 100 1 2 3 4 5 6 7 8 9 100

字者不可壞義亦是無二正真道義爾時選友深生慙愧而白王言太子乃天人師我安可教耶凡諸伎藝典籍筭射天文地理太子悉皆自然知之年既長成王勑太子與難陁調達五百童子又復擊鼓唱令萬姓有勇力者定日集於戲場拏射至期調達領衆先出有象當門以手擗倒次是難陁見象礙路卽以足指挑着路傍太子急言今正現力之時卽便執象擲於空中還以手接不令傷損衆咸嘆服旣至園已標鼓

射之調達豎四十里鼓不能得過難陁豎六十里鼓亦莫越爾太子豎百里鼓弓力之折乃取祖王鎮庫之弓古今無能張者太子旣挽聲震于城箭中鼓已沒入于地泉水涌出復透鐵圍之山大千剝土六反震動大衆悚然惟未曾有太子年及十七王爲娉妃耶輸陁羅端正第一禮義備舉卽是宿命賣花女也太子雖納殊無俗意久而不接於靜夜中但修禪觀

出家品

四門遊觀忽警悟 中夜逾城驟出家

太子在宮日久。前白王言。欲出遊觀。王勅整治衢道。皆令清淨。并諸官屬。導從太子。出城東門。觀者如雲。時淨居天化作老人。頭白背伛。拄杖羸步。太子問從者。言此何人也。答曰。老人。又問何謂老人。答曰。昔乃兒童次第遷變形枯色衰。餘命無幾。故謂爲老。太子又問。唯此一老。一切皆然。從者答言。人人悉爾。太子聞已。生大苦惱。我雖富貴。豈免此耶。還宮不樂。王亦憂惱。復遊

南門。王勅嚴潔衢陌。百官擁從。時淨居天復化病人。肉消骨露。喘息呻吟。不能自持。兩人扶腋。在於路傍。太子乃問。此何人也。從者答曰。此病。人乎。又問。何謂爲病。答曰。病者百節疼痛。氣力虛微。復問。此人獨爾。餘皆然耶。答曰。貴賤悉爾。太子嘆曰。云何世人耽樂不畏還宮憂惱。王聞轉愁。問羣臣言。太子初出東門。逢見老人不樂。今出南門。再勅卿等淨治道路。云何病人。又令見之。羣臣奏對。奉王嚴命。無不檢察。不知病人。

所從來處。非臣之罪。王聞婆羅門子優陀夷極有智辯。召而語曰。太子不樂在世。恐其出家。汝可爲友。善而誘之。太子復求出遊。王不忍拒。勅嚴道路。乃至園林。香華幡蓋。數倍於前。若有不祥。遠驅逐之。爾時太子與優陀夷百僚萬衆。出城西門。淨居天子念言。先現老病。舉衆皆見。王責從者。枉及無辜。今化死人。眷屬圍遶。號哭送之。唯令太子與優陀夷二人獨見。太子問此何人。優陀夷以王嚴勅。卽不敢答。淨居天力使不

覺言。稱死人也。風刀解形。神識去矣。四體諸根。無復所知。誠可哀也。太子又問優陀夷言。餘人爾不。答曰。世人皆爾。無一免者。今獻誠言。願不見責。古今諸王。愛欲樂已。然後出家。太子云何永絕不顧。無有棄國而學道者。唯願太子受於五欲。令有子息。不絕王嗣。太子答言。誠如所說。但我不言五欲無樂。以畏老病生死之苦。故於五欲不取。愛着汝言古者。諸王先經五欲。然後出家。此諸王等。今在何許。以愛欲故。或在地獄。

或在餓鬼。或在畜生。或在人天。以有如是輪轉苦故。我欲離此。汝今云何令我受之。時優陀夷雖竭言辯。勉於太子。終不能回。卽便還宮。彌加憂感。王問其詳。優陀夷言。出城不遠。逢見死人。殊不知其自何而來。問諸吏從。皆言不見。王知天力。非臣之咎。復遊北門。淨居天子化作比丘。於太子前。太子問曰。汝何等人。答曰。比丘。世間無常。我修聖道。超於彼岸。作是答已。騰虛而去。太子念言。先見老病死苦。爲之所恐。今遇比丘。

啓悟我心。不勝欣悅。王聞懊惱。太子決定捨家學道。勅輸陁羅。勿離太子。復增妓女。以娛樂之。復次太子。前白父王。恩愛必離。聽我出家。王泣不許。太子復言。王能與此四願。卽不出家。一者不老。二者無病。三者不死。四者不別。王答。此願世誰得之。相師奏王。太子若不出家。七日之後。得輸王位。七寶自至。王生歡喜。卽勅羣臣。日夜嚴備。城門開閉。聞四十里。復勅耶輸陁羅。倍加防察。王告太子。國今無嗣。宜生一子。却聽出家。

太子卽指輪陁羅腹便覺有娠然後羅睺從天  
變沒化生不由父母合會而育太子是年十九  
出家時至二月八夜諸天下來太子之前頭面  
禮足白太子言無量劫來勤苦修行令之成熟  
出家是宜太子答言王勅內外官屬防衛嚴密  
欲出無從諸天白言我等方便使無知者太子  
卽勅車匿被健陂來四天天王捧馬四足并接  
車匿帝釋執蓋北門自開不使有聲出城旣畢  
天忽不現太子至於跋伽仙林作師子吼過去

花果。或事水火日月。或倒荆棘之上。或臥水火之前。或一日一食。或二日一食。苦行如此。太子問言。欲求何果。仙人答言。爲欲生天。太子又問。諸天雖樂。福盡輪回。終爲苦聚。云何修諸苦因。以求苦報。皆非解脱真正之道。辭而別往。涉山踰谷。僑陳如等。相從既久。不柰其艱。言此狂人。行不擇路。奚可隨之。設委而還。王滅吾家。不如止此精苦修行。太子次第前詣阿羅邏迦蘭仙人。所詰其所斷生老病死之法。仙人答言。衆生

之始。始於冥初。冥初起於我慢。我慢生於癡心。癡心生於染愛。染愛生於五微塵氣。五微塵氣生於五大。五大生於貪欲瞋恚。及諸煩惱。於是流轉。生老病死。憂悲苦惱。太子復問。已知所說生死根本。復何方便而能斷之。仙人答言。若欲斷者。修習禪定。離欲惡不善法。有覺有觀。得初禪。除覺觀定。生入喜心得第二禪。捨喜心得正念。具根樂。得第三禪。除苦樂。得淨念。入捨根。得第四禪。獲無想報。離色想。入空處。滅有對想。入

識處滅無量想識。唯觀識入無所有處。離於種種相。入非想非非想處。斯處名爲究竟解脫。是諸學者之彼岸也。太子思惟其所知見。非究竟處問曰。非想非非想處。爲有我也。爲無我也。若言無我。不應言非想非非想。若言有我。我爲有知。我爲無知。我若無知。則同木石。我若有知。則有攀緣。旣有攀緣。則有染着。以染着故。則非解脫。汝盡龜結。猶細結在非度彼岸。若能除我。及以我想。一切盡捨。是則名爲真解脫也。太子謂

伏是二仙已求勝法。故遂復前進。

成道品

六載雪山修苦行 一朝道樹悟明星

太子次至苦行林中。尼連河側安禪靜坐。守戒日食一麻一米。乃至七日食一麻米。設有乞者亦以施之。苦行六年。瘦若枯木。我若以此羸身而取道者。彼諸外道當言自餓。是涅槃因。我當受食。然後成道。既作是念。淨居天子下來。勸彼林外牧女。難陀波羅。令取乳糜供養太子。受食

已竟身體光悅堪受菩提。觀過去佛以草爲座。帝釋化作凡人持草以奉。太子問言汝名何等。答曰吉祥。太子喜曰我破不吉以成吉祥。坐彼草蓆。闍浮樹下。觀樹思惟感天動地演大光明。覆蔽魔宮。波旬恐怖。令彼四女往詣太子。萬端妖羅惑之不動。波旬復將八十億衆。故來惱壞而作是言。若不起去。擲汝海中。太子答曰汝先動我淨瓶。然後可能擲我。八十億衆盡力不能令瓶少動。乃至種種作威。若抱石者不能勝舉。

設能舉者。復不能下。飛刀舞劍。停於空中。雷電雹雨。成五色花。羣魔力盡無復能爲。太子是年十三歲。十二月八夜。結解漏盡。生死已斷。明星出時。霍然大悟。成等正覺。普觀三界。無有一樂。是諸衆生。以何因緣。而有老死。卽知老死以生爲本。若離於生。則無老死。從因緣生。因於欲有。色有無色。有業生。又觀三有業。從四取生。取從愛生。愛從受生。受從觸生。觸從六入生。六入從名色生。名色從識生。識從行生。行從無明生。若滅無明。

明。則行滅行滅。則識滅。識滅。則名色滅。乃至老死。憂悲苦惱滅。如是逆順觀十二因緣。具足三十七助道品。一十八不共法。四無所畏。十神通。于時。大地十八相動。天作伎樂。散花燒香。龍天八部。所設供養。充塞虛空。如來於七日中。思惟我所得法。甚深難解。唯佛與佛。乃能知之。一切衆生。爲於貪欲嗔恚愚癡邪見之所覆障。無有智慧。云何能解我所得法。我今若爲轉法輪者。彼必迷惑。不能信受。而生誹謗。當墮惡道。我

寧默然入般涅槃。爾時大梵天主禮足圍繞。白言世尊。久住生死。捨於國城妻子。頭目髓腦爲求法故。今日法海已滿。法幢已立。開導正時。云何涅槃三請說法。

度生品

○初自鹿苑轉法輪○後止娑羅遺後囑。是時世尊乃受其請。卽詣波羅柰國鹿野苑中。初轉法輪。世尊思惟。我開甘露法門。誰應在先。而得聞者。阿羅邏與伽蘭二仙。聰慧易悟。知其

各於昨夜命終。世尊復念。憍陳如等五人悉皆聰明。又夙有願。先應度之。觀根受道。世有八苦。謂五盛陰苦。生苦。老苦。病苦。死苦。愛別離苦。怨憎會苦。求不得苦。如是諸苦。由我爲本。應當知苦。斷集證滅修道。若人不知四聖諦者。不得解脫。當三轉四諦十二行法輪。時有五百商人。二爲首者。一名提謂。一名波利。經過曠野。天神語之。有佛興世。汝宜先供。卽以蜜麩上之。則四天王亦各持鉢。奉以盛食。佛皆受之。累置掌上。按

合成一爲應供器。時憍陳如等五人。投佛出家。世尊喚言。善來比丘。鬚髮自落。袈裟着身。卽成沙門。佛問汝知色受想行識爲是常。爲無常也。爲是苦。爲非苦也。爲是空。爲非空也。爲有我。爲非我也。五比丘衆。聞五陰法漏盡意解。成阿羅漢果。卽便答言。色受想行識實是無常。苦空無我。諸天踊躍。展轉唱言。如來今日。野鹿苑中。轉大法輪。於是世間始有三寶。如來大聖。是爲佛寶。四諦法輪。是爲法寶。五阿羅漢。是爲僧寶。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

爲諸天人第一福田。次度那舍等比丘五十人。  
佛告諸比丘衆。宜各遊方。度諸衆生。我今獨往  
摩竭提國。彼國優樓頻螺迦葉兄弟學於仙道。  
王臣歸信。佛至彼住。日暮求宿。迦葉答言。石室  
潔淨可得相容。內事火龍。其性暴惡。恐相害爾。  
佛言。但借龍惡不妨。迦葉答言。宜自隨意。佛入  
室中。結跏趺坐。惡龍吐火。發燄衝天。石室洞鑑。  
世尊卽入火光三昧。龍反遭火。藏身無地。輒投  
佛鉢。迦葉師徒以謂佛遭毒龍所害。翌朝往看。

佛言。我內清涼。終不爲彼外火之焚。君所事龍。  
今降鉢中。迦葉歎服。未曾有也。復言。雖則沙門  
神通。不如我道真。世尊住此。第二夜四天王衆  
第三夜帝釋衆。第四夜大梵衆。各下聽法。身光  
洞耀。迦葉問佛。夜光現汝事火耶。佛言。不也。  
諸天每夜下來聞法。是其身光。迦葉又言。雖沙  
門神妙。不如我道真。迦葉晨朝燒火不然。惟其  
所以卽往白佛。佛令歸去。見火已然。事畢滅之。  
又不能滅。復至白佛。佛令歸去。見火已息。次早

劈薪。斧莫能舉。次斧既舉。又莫能下。皆至佛所。乃舉乃下。迦葉請佛歸家供養。佛言。先去我隨後往。迦葉既去。佛趣闍浮提洲取菓持來。迦葉未至。佛已先到。卽便問言。從何道來。佛以菓示而語之曰。過數萬踰闊那。取此菓來。汝可噉之。然後如是三請。佛亦三往。餘三天下。取彼所產之菓。皆於先到此等神變。凡十八種。迦葉各各強言。是大沙門。神則神矣。不如我道真也。佛語迦葉。汝非阿羅漢道。何故虛妄起大我慢。於是

迦葉自知非真。心怖毛豎。見佛種種神變殊勝。卽與五百弟子。投佛出家。事火之具。悉皆捐棄。尼連禪河。是故迦葉。第一。一名那提迦葉。一名伽闍迦葉。各有弟子二百五十。居於下流。忽見厥兄所事火器。隨流而下。必不祥也。同奔兄所。見兄與其眷屬削髮披緇。愕然咨兄。旣大羅漢。聰慧過人。名聞十方。莫不宗仰。何捨此道還從人學。迦葉答言。然我所學。非究竟法。唯佛所說。能盡生死。旣遇此等大聖之尊。而不師彼。則是

所。卽知色生。便是苦生。若知色滅。便是苦滅。如此觀者。名爲解脫。不作斯觀。是名爲縛。法本無我。及以我所以倒想故。橫計有我。及以我所。無有實法。若能斷此倒想想者。即是解脫。王卽思惟。若謂衆生言。有我者。而名爲縛。一切衆生。皆悉無我。旣無有我。誰受果報。佛知彼念。卽語之曰。一切衆生。所爲善惡。及受果報。皆非我造。亦非我受。而今見有。造作善惡。受果報者。當爲王說。但以情塵識合。於境生染。累想滋繁。以是緣

無眼。二弟啓言。我等亦願隨兄同學。並領弟子。投佛出家。復次佛念瓶沙王。於我有約。若成道者。願先見度。卽與迦葉干比丘衆。往王舍城住。於杖林時。瓶沙王嚴駕百官導從千馬萬騎。迎佛入國。頭面禮足。安坐已定。觀其根熟。卽爲說法。大王當知。此五陰身。以識爲本。因於識故。而生意根。以意根故。而生於色。而此色法。生滅不住。如是觀者。則能於身善知無常。如此觀身。不取身相。卽能離我。及於我所。若能觀色。離我我。

故馳流生死。備受苦報。若是於境無染。息其累。想卽得解脫。以情塵識。三事因緣。共起善惡。及受果報。更無別我。譬如鑽火。因手轉燧。得有火生。然彼火性。不從手生。及以燧出。亦復不離手。及燧鑽。彼情塵識。亦復如是。王又思惟。若以情塵識和合故。而有善惡。受果報者。便爲常合。不應離絕。若不常合。是卽爲斷。佛知王念。即便答言。此情塵識。不常不斷。何以故。合故不斷。離故不常。譬如緣於地水。因彼種子。而生芽葉。種子

旣謝。不得名常。生芽葉故。不得名斷。離於斷當。故名中道。三事因緣。亦復如是。王聞法已。心開意解。與八萬那由他婆羅門大臣。九十六萬那由他諸天。各遠塵離垢。得法眼淨。有長者迦陵。見佛入國。君民敬奉。未有精舍。卽捨竹園。王起堂殿。種種嚴麗。請佛安居。領比丘衆。無量天人。前後圍繞。入王舍城。佛蹈門闈。城中樂器。不鼓自鳴。門狹更廣。門下更高。一切丘墟。悉皆平坦。臭穢塵垢。自然香淨。聾者得聽。瘡者能言。盲者

得視。狂者得正。病者皆愈。枯木發花。腐草榮秀。  
 洞池增瀾。香風清靡。鳳鳥翔集。出和雅音。種種  
 祥瑞。彼城中有二婆羅門。根利聰明。一名舍利  
 弗。一名目犍連。二爲親友。各百弟子。國人宗仰。  
 因阿捨婆耆比丘持鉢入村。舍利弗忽逢於路。  
 見其威儀庠序。問師於誰。演說何法。婆耆答言。  
 我大師者。天人之尊。智慧神通。無能與等。我旣  
 年幼。學道日淺。豈解宣說。如來妙法。但以所知  
 卽說偈言。一切諸法本從緣悉本無。若能反本。

源。乃名曰沙門。舍利弗聞說此偈。卽見道跡。心  
 大踊躍。以所聞偈歸告目犍連。亦於言下開悟。  
 於是二人共將二百弟子。前詣竹園伽藍。以求  
 出家。佛告大衆。今此二人。於我法中。爲上弟子。  
 舍利弗者。智慧第一。目犍連者。神通無上。如上  
 凡千二百五十人。各於出家時。世尊呼云。善來。  
 比丘鬚髮自墮。袈裟着身。成沙門相。佛皆爲說  
 四諦之法。遠塵離垢。得法眼淨。證阿羅漢。佛告  
 諸比丘言。然燈如來。出興世時。善慧仙人。豈異

人乎。卽我身是緣路所遇。五百外道所共論議。  
及隨喜者。今此會中。迦葉兄弟。及其眷屬。千比  
丘是賣花女者。今耶輸是。善慧髮布地時。傍有  
二人掃佛前地。及二百人隨喜助者。今舍利弗。  
大目犍連。并二百弟子。是髮布地時。虛空諸天  
而讚歎者。我初得道鹿野苑中。始轉法輪。八萬  
天子。及頻婆娑羅王。瓶沙所將眷屬八萬那由  
他人。及九十六萬億那由他天。是汝等當知過  
去所種因緣。經無量劫。終不磨滅。我於往昔勤

修一切善業。及發大願。心不退轉。故於今日。而  
已成就一切種智。汝等宜應勤修無怠。

形辭二函參用

涅槃經云。世尊四十九年在世。說法三百餘會。  
度脫四生六道。其數無量無邊。涅槃時至。告大  
衆言。我初成道於尼連禪河邊。魔王波旬請般  
涅槃。我告未有弟子。是故不得入涅槃者。吾自  
初度。五比丘衆漸漸誘進。最後乃至須跋陀羅。  
皆入道竟。所作已辦。能事已畢。今當入滅。汝等  
勤教衆生。勿得放逸。未脫三界。早求出離。一失

人身難可追復。大眾聞佛囑付。咸生哀戀。有優婆塞。名曰純陀。設最後供具。足檀度。於是阿難。深切迷悶。猶如死人。阿泥樓逗。邢律一名阿安慰阿難。何爲愁苦。如來今日雖有。明日則無汝依我語。諮是四問。佛涅槃後。六羣比丘。云何共住。而得示教。如來在世。以佛爲師。旣入滅後。以何爲師。如來在世。依之而住。旣入滅後。依何而住。如來滅後。結集法藏。一切經初。安何等語。阿難依陳上問。佛告阿難。如汝所問。我涅槃後。六羣比

丘云何共住者。依我正法教示六羣得證上果。  
一切衆生皆因無明起諸愛結。役使身心。不得  
自在。若能諦觀十二因緣。究竟無我。深入本淨。  
卽能遠離三界大火。此是最後付囑。汝當修行。  
問佛去後。以何爲師者。尸波羅戒是汝大師。問  
佛滅後。依何住者。依四念住。問佛滅後。一切經  
初安何語者。當安如是我聞一時。佛住某處。而  
說是經。阿難復次白佛茶毗法。則佛答當依轉  
輪聖王後收舍利。建七寶塔。一切世間所共瞻

仰于時帝釋從佛敬請半身舍利。深心供養。佛告天帝。如來等視衆生。如羅睺羅。平等利祐。我今與汝右邊上領一牙舍利可於天上起塔。於是天人悲哀不已。世尊普告汝莫愁嘆。何以故。雖佛涅槃。而有舍利。復有法寶。常住於世。能令衆生深心歸依。供養舍利。即是佛寶。見佛。即見法身。見法。即見聖賢。見聖賢。故即見四諦。見四諦。故即見涅槃。當知三寶常住無有變易。能爲世間作歸依故。爾時世尊於師子座。却僧伽梨。

顯紫金身。放大光明。告大衆言。當知如來爲汝等故。累劫勤苦修行。成就菩提。得此金剛不壞之身。具足三十二相。如優曇花難可值遇。緣畢涅槃。汝等誠心看我金身。當修淨業於未來世。得此果報。如是三告。上昇虛空高七多羅樹。復從空下。凡二十四反。告諸大衆。是爲最後見。於如來。自此見已。無復再覩。我今時至。舉身疼痛。卽入初禪。從初禪出入第二禪。次第至非非想處。從非非想處出入。滅盡定。從滅盡定出還入。

非非想。次第還入。直至初禪。復入超禪。如是逆順。展轉二十七反。告大衆言。我以佛眼遍觀三界。一切諸法性。本解脫於十方求了。不能得。根本無故。所因枝葉皆悉解脫。無明解脫故乃至老死。皆得解脫。

入滅品

○能事既畢。入泥洹。舍利以留爲佛事。世尊是年七十有九。於二月十五夜示誨衆已。右脇而臥。背東面西。頭北足南。有娑羅樹八根。

合爲二株。慘然變白。垂覆如來。十方震動。演出苦空哀歎之聲。大海涌沸。川流枯涸。日月無光。黑風鼓扇。草木摧折。諸天哀號。雨天香花。奏天音樂。唱言苦哉苦哉。如何一旦慧日滅沒。一切衆生喪真慈父。失所敬天。或有隨佛滅者。或有喪失心者。或大呌搥胸者。或悶絕躰地者。于時依輪王法。用以棺槨。拘尸城人。僉議力士四人。請舉佛棺入城供養。盡其神力。竟不能勝。復八力士。至十六士。揜無少動。樓逗告言。縱傾城人。

亦莫能舉。世尊平等。令諸人天得福無異。棺乃自舉昇虛空中。高一多羅樹。從拘尸城西門而入東門而出。復南門入。從北門出。遶城七匝。菩薩聲聞。帝釋諸天。卽持寶臺花蓋。空中隨覆幢幡。音樂種種供養。地上空中。充塞彌滿。悲泣哀慟。一七日已。大衆卽扶如來紫磨金身。安庠出棺。置于寶牀。持妙香水灌洗既已。內以兜羅綿裹。外以妙氍千張。如法纏之。仍舊入棺。滿注香油。諸天及人。各持無價旃檀沉水。結大香樓。棺

置其上。持炬茶毗。火悉殄滅。大衆號慟。不知如來何緣未畢。帝釋答言。必待迦葉。迦葉旣至。棺自然開。卽現二足。千輻輪相。出于棺外。迦葉見已。慟哭作禮。足還收入。於是力士燭炬焚之。終竟不然。迦葉告言。大聖寶棺。三界之火所不能焚。何況汝力而能燒耶。如來胸中三昧之火。隨聲而發。迸出棺外。漸漸茶毗。經于七日。香樓乃盡。時四大王與江河神。急欲舍利歸去供養。見火未滅。卽以水沃。厥燄轉熾。樓逗語之。一居天

80 1 2 3 4 5 6 7 8 9 100 1 2 3 4 5 6 7 8 9 100

上一住海中。汝收舍利。各還本處。地居之人。如  
何得往而供養耶。二衆負慙。乃退偶帝釋天。持  
七寶瓶及供具至。其火頓息。視棺儼存。及其千  
毬纏佛身者。裡外各一張。宛然如來。帝釋白衆。  
請佛所許右牙。舍利已竟。是時八大國王。競爭  
舍利。帝釋化一梵志。名曰屯屈。前諫諸王。爲民  
主者。宜無有諍。舍利均分。令諸國土皆有塔廟。  
開發盲俗。貴知有佛。使普得景福歟。愈曰善哉。  
共六命屯屈。均爲八分。各與一冕。諸王得之。悲喜。

交集。香華幢幡。迎還本國建塔。尚餘灰炭。莫不  
收什。亦謂之灰塔炭塔。以永供養。而爲佛事。實澄

參用二函

涅洹經云。佛涅槃。至慶曆六年丙戌歲。一千九  
百九十四年。澄字函

自慶曆丙戌復至紹興。一十七年。歲次丁丑。通

前凡二千一百丹五年。

常住品

○幻來生亦何嘗生。幻去滅亦何嘗滅。

宗門統要云。洛京佛光如滿禪師。因唐順宗問。  
佛從何方來。滅向何方去。既言常住世。佛今在  
何處。師曰。佛從無爲來。滅向無爲去。法身等虛  
空。常在無心處。有念歸無念。有住歸無住。來爲  
衆生來。去爲衆生去。清淨真如海。湛然體常住。  
智者善思惟。更勿生疑慮。帝又問曰。佛向王宮  
生滅向雙林滅。住世四十九。又言無法說。山河  
及大海。天地及日月。時至皆歸盡。誰知不生滅。  
疑情猶若斯。智者善分別。師曰。佛體本無爲。迷

情妄分別。法身等虛空。未曾有生滅。有緣佛出  
世。無緣佛入滅。處處化衆生。猶如水中月。非常  
亦非斷。非生亦非滅。生亦未曾生。滅亦未曾滅。  
了見無心處。自然無法說。

第二門

○次辯教門究竟。庶使學者知歸。

原道品

道無彼此元來一。教有權漸方設三。  
金剛經云。佛告須菩提。是法平等。無有高下。是

名阿耨多羅三藐三菩提。

又華嚴經云。如來普觀法界。一切衆生。具有如來智慧德相。愚癡迷惑。不知不見。我當教以聖道。令其永離妄想執着。自於身中。得見如來廣大智慧。與佛無異。黎字內  
第五卷

黎字函  
第五卷

辯正論云。太昊本應聲大士。仲尼卽儒童菩薩。  
先遊茲土。權行漸化。愍濟五濁。宣布五常。明字函  
破邪論云。佛遣三弟子。震旦教化。儒童菩薩。彼  
稱孔丘。光淨菩薩。彼稱顏回。摩訶迦葉。彼稱老  
第一卷

明字函  
第一卷

**子** 既字函  
上卷

三歸宛爾同三畏

三歸宛爾同三畏。五戒何曾異。五常  
破邪論云。修道階次。心行非一。皆緣淺以至深。  
藉微以爲著。其始修心。則依佛法僧受三歸也。  
三歸如君子之三畏。而又五戒斷殺盜婬妄語。  
飲酒與仁義禮智信同。既字函上卷

弘明集云。仁者不殺之戒也。義者不盜之戒也。禮者不邪之戒也。智者不醉之戒也。信者不妄

一  
大  
裁

一  
卷

卷之三

教興品

吾佛下生光及處。此方千載教來時。  
破邪論云。周昭王卽位二十四年四月八日江  
河泉池忽然泛漲。大地震動。夜五色光入貫太  
微。遍于西方。作青紅色。昭王問太史蘇由曰。是  
何祥也。由對曰。有大聖人。生於西方。故現此瑞。  
昭王曰。於天下何如。由曰。卽時無他。一千年外。  
聲教被及此土。此時佛初生也。至穆王卽位五  
十二年二月十五日。暴風忽起。林木傷折。大地

西方有白虹十二道。南北通過。連夜不滅。  
穆王問太史扈多曰。是何徵也。對曰。西方有大  
聖人。滅度衰相現耳。此時佛涅槃也。

金容入夢教西傳 舍利呈祥法東振

破邪論云。後漢孝明帝永平三年。偶夢金人巍  
巍丈六。飛至殿庭。光明炳耀。顧問羣臣。通事舍  
人傳毅對曰。臣聞西域有得道者。其名曰佛。陛  
下所見得無是乎。帝遣博士王遵等十八人同  
往西域。求迎佛法。至月支國。遇迦葉摩騰竺法

蘭二梵僧。帶白氈。畫釋迦像。四十二章經。白馬  
馱之。邀至洛陽。乃永平十年。此土有三寶之始。  
也。明帝問摩騰曰。法王出世。何以化不及此。摩  
騰對曰。迦毗羅衛國者。乃三千大千世界之中。  
心。三世諸佛。皆於彼生。凡有願行者。悉生於彼。  
受佛正化。咸得悟道。餘處衆生。無緣感佛。佛不  
往也。佛雖不往。光明及處。或五百年。或一千年。  
或千年外。皆有聖人。傳佛聲教。而教化之。並既  
字函

字並函

像行道。吳人初見謂其妖異。有司奏聞。吳主問曰。佛有何驗。僧會答曰。佛晦靈跡出。餘千載遺身舍利。應現無方。吳主曰。若得舍利。當爲起塔。如其虛妄。國有常刑。請期七日。會乃謂其屬曰。法之興廢在斯一舉。今不至誠。後將何及。精持齋戒。銅瓶盛水。燒香禮請。七日寂然。求申二七。亦復無應。權曰。欺詐將欲加罪。更請三七。權又听之。會謂伴曰。宣尼有言。文王既沒。文不在茲。乎。法靈應降。而吾等無感。何待王憲。當誓死爲

期三七日暮猶無所覩。莫不震懼。既入五更。忽聞瓶中鏘然有聲。會卽往視。果獲舍利。明日呈權。舉朝集觀。五色光燄照瓶之上。權自執瓶寫銅盤中。舍利所衝。盤卽破損。權大驚曰。希有瑞也會復奏言。舍利威神。豈止如此。直得刲燒之火不能焚。金剛之杵不能碎。權命試之。置於鐵砧之上。使有力者用槌一擊。砧杵俱陷。舍利無損。權甚嗟服。卽爲建塔。大法復興。設字函  
第五卷

### 優劣品

釋梵咸稱三界父。仲尼曾指大聖人。

普曜經云。佛成道已還本生國。維衛大城諸天皆來侍送。雨花獻香。懸幢立蓋。作諸伎樂。四王諸天引導。其前比丘大衆擁從。其後帝釋侍左。梵王侍右。而說偈曰。○太子捨國位。成道謂何名號。曰天中天。三界尊第一。彩字函  
第五卷

又智度偈。唯佛一人獨第一。三界父母。一切智。於一切智無與等。稽首世尊。希有此聖字函  
第五卷破邪論云。太宰嚭問孔子曰。夫子聖人歟。對曰。

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100

丘博識強記。非聖人也。又問三王聖人歟。對曰。三王善用智勇。聖非丘所知。又問五帝聖人歟。對曰。五帝善用仁信。聖非丘所知。又問三皇聖人歟。對曰。三皇善用時。聖亦非丘所知。太宰大駭曰。然則孰爲聖人乎。夫子動容有間曰。丘聞西方有大聖人者焉。不治而不亂。不言而自信。不化而自行。蕩蕩乎人無能名焉。

既字函上卷

孔老比佛安可對。賢僚辯法爲宣明。破邪論云。吳主曰。孔丘老子得與佛比對以否。

闕澤曰。遠則遠矣。所以然者。孔老設教法天制用。不敢違天。諸佛設教天法奉行。不敢違佛。以此言之。實非對明矣。成道記注云。唐律師道宣居終南山。戒行至高。北方毗沙門王常遣二天人冥佐之。宣嘗經行失脚。將墮階下。天人承足。方現其身。問何人耶。曰天神也。宣復問曰。如周之蘇由。漢之傅毅。吳之闕澤。皆素未識佛法。而能知聖人生滅聲教。將來辯佛法爲上。彼何人耶。答曰。彼皆天人也。爲欲佛法流行此土。天遣

降神佐國宣明佛法故也。

教分優劣人何信 經喪存亡事可知  
破邪論云漢永平中道士陳乞與僧以較真僞  
奉勑于白堦置壇合集諸家經典沉檀爲炬已  
悉成煨燼唯有佛經儼然無損佛法自此興焉

究竟品

唯佛究竟一成功 詧金豈復重爲鑄  
圓覺經云。金剛藏菩薩白佛言。十方異生。本成

佛道後起無明。一切如來。何時復生。一切煩惱。  
佛答。如銷金鑛。金非銷有。既已成金。不重爲鑛。  
經無窮時。金性不壞。不應說言本非成就。如來  
圓覺。亦復如是。可字函

○諸天雖樂非解脫○十仙報盡復輪回  
佛因果經云太子因入雪山遍扣諸仙欲求何  
果仙人答言爲欲生天太子又問諸天雖樂福  
盡輪回終爲苦聚云何修諸苦因以求苦報皆  
非解脫正真之道

0 1 2 3 4 5 6 7 8 9 100 1 2 3 4 5 6 7 8 9 100

楞嚴經云。不依正覺修三摩地。別修妄念存想。固形有十種仙。堅固服餉而不休息。食道圓成。名地行仙。堅固草木而不休息。藥道圓成名飛。行仙。堅固金石而不休息。化道圓成名遊行仙。堅固動止而不休息。精氣圓成名空行仙。堅固津液而不休息。潤德圓成名天行仙。堅固精色。而不休息。吸粹圓成名通行仙。堅固禁呪而不休息。術法圓成名道行仙。堅固思念而不休息。思憶圓成名照行仙。堅固交遘而不休息。感應。

圓成。名精行仙。堅固變化而不休息。覺悟圓成。名絕行仙。前四行平聲後六行去聲是等皆於人中鍊心。不修正覺。別得生理。壽千萬歲。妄想流轉。不修三昧。報盡還來。散入諸趣。染字函第八卷

金剛經頌云。如星翳燈幻皆爲喻。無常漏識修因果。誰言得久長。危脆同泡露。如雲影電光。饒經八萬劫。終是落空亡。

冤家尚作父母想。教法肯生人我心。

80

90

100

18

大藏經一覽

卷一

華嚴經云。菩薩等觀世間衆生。猶如一子。欲令

皆得最上安樂。

草字函第六卷

永嘉云。圓頓教。勿人情。有疑不決。直須爭。不是山僧逞人我。修行恐落斷常坑。

直入三塗。代苦來。惄教一切成佛去。

華嚴經云。菩薩見諸衆生作惡受苦。以是障故。不見三寶。我代彼苦。令其解脫。菩薩如是受苦。毒時轉更精勤。不捨不怯。何以故。決願荷負一切衆生。至於地獄畜生險難之處。以身爲質贖

彼解脫

草字函第三卷

金剛經云。佛告須菩提。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。若非無想。我皆令入無餘涅槃。而滅度之。

釋疑品

但知惡吉而善凶。詎識因隨而果應。

傳燈云。二十祖闍夜多。問十九祖曰。我父母素信三寶。而常縗疾療。凡所營作。皆不如意。而我

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 10

鄰舍久爲梅陀羅行。而身常勇健。所作和合。彼何幸。而我無辜。尊者曰。何足疑乎。且善惡之報。有三時焉。凡人但見仁天暴壽。逆吉義凶。便謂亡因果。虛罪福。殊不知影響相隨。毫釐靡忒。縱經百千萬劫。亦不磨滅。時闇夜多聞是語已頓釋所疑。振字函  
第一卷

莫恠瞿曇之惡子。爭柰神堯亦有朱弘明集問曰。佛道無爲。樂施與持戒。兢兢如臨深淵者。今沙門耽好酒漿。或畜妻子。取賤賣貴。

此乃世之僞。而佛道謂之無爲。牟子曰。工輸能與人斤斧繩墨。而不能使人巧。聖人能授人道。而不能使人履而行之也。臯陶能罪盜人。不能使貧夫爲夷齊。五刑能誅無狀。不能使惡人爲曾閔。堯不能化丹朱。周公不能訓管蔡。豈唐教之不著。周道之不備哉。然無如惡人何也。當患人之不能行。豈可謂佛道有惡乎。集字函  
第一卷

證驗品

有天福盡投驢腹。非佛誰能脫彼殃。

譬喻經云。有帝釋天五德離身。自知福盡甚大。憂愁念三界中。濟人苦厄。唯有佛耳。往到佛所。時佛坐禪。入普濟三昧。天帝作禮。伏地志心。三歸佛法聖衆。未起之間。其命忽出。便至陶家。驢母腹中作子。時驢自解走瓦坏間。踐壞坏器。其主打之。尋時傷胎。其神復反。還爲天帝。佛三昧覺讚言善哉。能於殞命之際。歸命三尊。罪對已畢。更不勤苦。佛爲說法。得須陀洹道。獸字函  
第一卷

沙門誦經超天界○庾信謗法報龜形

法苑珠林云。冥報記。唐遂州人趙文信。貞觀元年。暴死三日後還蘇。云至閻王所見。有一僧王先喚問。一生以來修何功德。師云。唯誦金剛般若。王忽驚起。合掌讚言。善哉。旣誦般若。當得昇天。何錯來此。王言未訖。忽有天衣下來。引師上天。次喚文信前問。汝修是何功德。答言。一生以來。不修佛經。唯好庾信文章。集錄王言。其庾信者。大罪人也。現此受苦。頗曾識不。覆云。雖讀渠文章。不識其人。王卽遣人引出庾信。乃見一龜

多頭龜去少時現一人來道我便是庾信爲在生時好作文章妄引佛經以雜俗書誹謗佛法謂言不及孔老之教今受龜身苦也

藁字函  
第八卷

第三門

○果於此道可入。豈離自己本來。

由三因緣感後有亦三事合人其胎  
本事經云佛告苾芻當知三因三緣能感後有。  
云何爲三所謂無明未斷故愛未棄故業未息

故由是因緣能感後。所以者何。業爲良田。識爲種子。愛爲溉灌。無明無智。無了無見之所覆蔽。識便安住。欲有色有無色。有處。欲最爲下。色爲其中。無色爲妙。由欲界業。感異熟果。正現在前。故可施設。此爲欲有。當於爾時。業爲良田。識爲種子。愛爲溉灌。識便安住。下欲有處。若色界。無色界。感異熟果。亦復如是。甚字函  
第六卷

凡有之後生有之前三事和合者謂毗婆論。父母并中有父及母俱起嬉貪而共合會。母身調適無病是

卷之六

時者所謂起貪。身心悅豫。故名調適。母腹清淨無風熱。瘡牙增逼切。故名無病。母因穢惡日月恒有血水流出。過多稀濕。不得成胎。太少乾稠。亦不成胎。若此血水。不少不多。不乾不濕。方得成胎。故名是時。於是中有入胎之時。母最後血餘有一滴。父最後精餘有一滴。和合成就。由其中有於父於母愛恚二心。展轉現起。若男中有於母起愛。於父起恚。作如是念。若彼丈夫離此處者。我當與此女人交會。作是念已。顛倒想生。

見彼丈夫遠離此處。尋自見與女人和合。父母交會。精血出時。便謂父精是自所有。見已生喜。而便迷悶。以迷悶故。中有箠重。既箠重已。便入母胎。自見已身在母右脇。向脊蹲坐。若女中  
於母起恚亦復如是  
在母左脇向腹蹲坐諸有情類。多起如是。顛倒想已。而入母胎。唯除菩薩。將入胎時。於父父想。於母母想。雖能正知。而於其母起親附愛。乘斯愛力。便入母胎。問曰。中有何處入胎。答曰。中無礙。隨所樂處。而便入胎。必從生門。是所愛故。

問菩薩中。有何處入胎。答從右脇而入。問輪王獨覺。中有何處入胎。答輪王獨覺雖有福慧。非極增上。將入胎時。雖無倒想。亦起淫愛。故入胎位。必從生門。

義字函  
第十一卷

法苑珠林云。女人將欲受胎。月華水出者。月華名於兒胞處。生一血聚。七日自破。從此而出。若血不出。不斷者。男精不住。卽共流出。若血盡已。男精得住。卽便有胎。復有七事受胎。一相觸。二取衣。三下精。四手摩。五見色。六聞聲。七觸香。何謂相

觸受胎。女人月水生時。喜樂男子。若男子以身觸其身分內。生貪着。而便懷胎。何謂取衣受胎。如優陀夷。共婦出家。愛欲不止。各相發問。欲精汙衣。尼取舐之。復取內根。卽便懷胎。何謂下精受胎。如鹿母。艱道士精。欲心而飲。遂便懷胎。何謂手摩受胎。如暎菩薩。父母俱盲。出家爲道。不合陰陽。手摩臍下。卽便懷胎。何謂見色受胎。有一女人。月華水成。不得男子合欲。情盛。唯視男子。如宮女人。亦復如是。卽便懷胎。何謂聞聲受

80

60

100

8

胎如白鷺鳥悉雌無雄。春陽時節雷鳴初發。一心聞聲。卽便懷胎。何謂鰕香受胎。如秦母牛。但鰕犧氣。卽便懷胎。

壁字函  
第九卷

大毗婆沙論問曰。若受中有。彼此和合。緣會結生。如有父在彌羅國。母在支那國。如是生緣難可和合。如何中有。速往結生。答應知有情作父母業。有定不定。故於父母。有可轉義。不可轉義。若於父母俱可轉者。卽往餘父母。和合處結生。若於父可轉。於母不可轉者。卽彼女人。性雖貞

索受持五戒。而必與餘男子和合。令中有者。速往結生。若於母可轉。於父不可轉者。卽彼男子。性雖貞良。受持五戒。而必與餘女人和合。令中有者。速往結生。若於父母俱不可轉者。卽彼有情。未命終位。由業力故。令其父母。雖有住緣。而不顧戀。必起相趣和合之心。彼相趣時。於所經處。毒不能害刃不能傷。及餘種種天橫因緣。皆不能礙。必得和合。令彼有情既命終已。適受中。有。卽往結生。若有欲心不常增者。如何中有。隨

往結生。如馬春時。欲心增盛。餘時不爾。牛於夏時。狗於秋時。熊於冬時。亦復如是。如何有情。適受中有。令彼和合。而往結生。答曰。由彼有情。住中有位。業增上力。令其父母。非時欲心。亦得增盛。相趣和合。彼得結生。有餘師說。相似類中。亦得結生。故無有失。謂馬春時。欲心增盛。餘時不爾。驢一切時。欲心增盛。應生馬中者。以非時故。轉生驢中。雖彼形相與餘相似。而衆同分。如本不轉。以諸中有不可轉故。如是中有住經少時。

必住結生。速求生。故尊者設摩達多曰。中有極多。住七七四十九日。定結生。故尊者世友曰。中有極多。住經七日。不久住故。問曰。若七日內。生緣和合。彼可結生。若爾所時。生緣未合。彼豈斷壞。答曰。彼不斷壞。謂彼中有乃至生緣未和合位數。死數生。無斷壞故。大德說曰。此無定限。謂彼生緣速和合者。此中有身。即少時住。若彼生緣。多時未合。此中有身。即多時住。問中有形量。大小云何。答曰。欲界中有。如五六歲小兒形量。色

界中有。如本時形量。問欲界中。小兒形量。云何  
 於父母起顛倒想。生愛恚耶。答形量雖小。而諸  
 根猛利。如本有時。能作諸事。如壁等上。畫老人  
 形。其量雖小。而有老相。問菩薩中有。其量云何。  
 答如住本有盛年時量。三十二相。八十隨好。問  
 一切中有。形狀云何。答如當本有。謂彼當生地  
 獄趣者。所有形狀。卽如地獄。乃至當生天趣中  
 者。所有形狀。卽如彼天中有本有一業引故。問  
 諸趣中有行相云何。答地獄中有頭下足上。而

趣地獄。諸天中有足下頭上。如人以箭仰射虛  
 空。上昇而行。往於天趣。餘趣中有皆悉傍行。如  
 鳥飛空。往所生處。此依人中命終者說。若地獄  
 死還生地獄。不必頭下足上而行。若天中死。還  
 生天趣。不必足下頭上而行。若地獄死。生於人  
 趣。應首上昇。若天中死。生於人趣。應頭歸下。鬼  
 及傍生二趣中。有應當可知。有福中有。飲饗清  
 淨華果食等。輕妙香氣。以自存活。若無福者。飲  
 饗糞穢臭爛食等。輕細香氣。以自存活。又彼所

食香氣極少。中有雖多。而得周濟。義字函  
第十一卷

既捨此身受彼身。當持善業與惡業。  
毗婆沙論問曰。若無中陰者。爲闍浮提命終已。  
生鬱單越。彼於此斷。於彼無有而有。若無有而  
有者。是無有法而有。答曰。彼終不捨死時陰。要  
當受生時陰。得生時陰已。然後捨死時陰。如蚊  
蚋虫。安前足已。方舉後足。浮子函  
第四卷

宗鏡錄云。大藥菩薩白佛。云何識離於身。便速  
受身識捨故身。新身未受。當爾之時。識作何相。

佛言。如有丈夫着堅甲冑。馬疾如風。乘以入陣。  
干戈旣交。心亂墜馬。武藝勁捷。還卽跳上。識棄  
於身。速節受身。棄一受一。亦復如是。又復譬如  
人影。現於水中。無質可取。手足面目。及諸形狀。  
與人不異。體質事業。影中皆無。無冷無熱。及與  
諸觸。亦無肉段。及與言音。識棄故身。未受新身。  
相亦如是。又云。賢護童真問佛。識捨此身。隨善  
惡業遷受餘報。其事云何。佛答。譬如風大。出深  
山谷。入古葡萄林。其風便香。經於糞穢。其風便臭。

若風香臭俱至。則風香臭並兼。盛者先顯。風大無形。香臭無質。然風持香臭。遷之於遠。此識捨身持善惡業。遷受餘報。亦復如是。

第十五卷

寶積經云。彼識欲移。猶如睡人夢見諸事。然此識不從咽喉。及諸孔出。其識亦復如是。不求諸孔。復問諸郊。不破其識。云何移徙。佛言。譬如以瞻婆花薰麻善熟。然後壓油。而言此是瞻婆花油。然彼花香。不從麻邊求孔而入。因彼花麻二和合故。其香移徙。此識移郊。亦復如是。復問此。

識移徙善不善業。其事云何。佛言。猶如種子。擲置地內。生芽莖葉。乃至花菓。或色赤白。或性剛柔。皆業力成熟。故

丈字函  
第九卷

毗婆沙論云。若彼父母福業增上。子福業劣。若彼父母福業劣薄。子福業勝。不得入胎。要父母子三福業等方得入胎。問。若富貴男與貧賤女合。或富貴女與貧賤男合。如何中有。亦得入胎。答。富貴男與貧賤女合時。必於自身起下劣想。於彼女人起尊勝想。若富貴女與貧賤男合時。

必於自身生下劣想。於彼男子起尊勝想。子於父母將入胎位。應知亦然。故入胎時。皆有等義。

第十一卷  
義字函

宗鏡錄云。問六趣升沉。皆唯是識。初生善惡之趣。其相云何。答隨福所資。果報不等。勝福資識。其境則大。劣福資識。其相乃微。顯識經云。大藥白佛衆生捨身云何。生諸天中。及至地獄佛言。衆生廬終之時。福業資者。棄之本視。得天妙祝。見天宮等。如睡不曠。安隱捨壽。將捨壽時。天父

天母同止一座。天母手中自然華出。搖弄之時。命便終盡。無相之識。棄捨諸根。持諸境業。遷變果報。猶如乘馬棄一乘。一速託花內現。天母手。大藥白佛。無形之識。云何假因緣力。而生有形。云何有形。止因緣內。佛告大藥。如木和合。相觸生火。此火木中。初不可得。若除於木。亦不得火。緣合而生。因緣不具。火卽不生。木等之中尋火色。相了不可見。然咸見火從木而出。如是大藥識。假父母因緣和合。生有形身。有形身中求識。

80 1 2 3 4 5 6 7 8 9 100 1 2 3 4 5 6 7 8 9 100

不得離有形身亦無有識。大藥如火未出火相不現。煥觸皆無。若未有身識受想行皆悉不現。大藥行惡業者命終之時甚大憂苦。見諸地獄應合入者足堅向上顛倒向下又見一處地純是血緣味着心便生地獄腐敗臭穢識託其中譬如糞穢諸臭虫生其中入地獄者託臭物生亦復如是。

策字函  
第五卷

瑜珈論云若薄福者當生下賤之家。彼於死時及入胎時便聞種種紛亂之聲及自妄見入於

叢林竹葦險惡之處若福多者當生尊貴之家見寂靜境或聞美妙可意之聲及自妄見升官殿等可意相現。

習字函  
第一卷

寶積經云此識從衆生身內移於彼處有取有受而住或受福或受罪從於此世移至彼世猶如蜜蜂取諸花味而捨其花更移別花或捨惡花移至好花坐花上已樂着彼花取彼香味然此神識以多善根或受天身受天身已以惡果故復受地獄畜生餓鬼輪回不已。

文字函  
第九卷

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 10

三十八箇七日變 一十九種諸風吹

瑜珈論云。爾時父母貪愛俱極。最後各出一滴濃厚精血。和合住母胎中。猶如熟乳凝結。依阿賴耶識。卽此名爲羯羅藍位。

音字函  
第一卷

寶積經云。是諸衆生託胎在母腹中。三十八箇七日。有二十九種業風所次。次第成就。第一七日。狀如醪漿。第二七日。狀如凝酪。第三七日。狀如藥杵。第四七日。狀如鞋援。第五七日。分頭臂脣。第六七日。肘膝相見。第七七日。手足掌現。第

八七日。二十指現。第九七日。九孔方現。第十七日。聲音具足。第十一七日。九孔開通。第十二七日。生腸節孔。第十三七日。生飢渴想。第十四七日。生九萬筋。第十五七日。生八萬脉。第十六七日。通出入息。第十七七日。食道漸寬。第十八七日。六根具足。第二十七日。徧生骨節。第二十一。二十二。二十三七日。生血肉皮。第二十四。二十五七日。長血肉皮。第二十六七日。生髮毛爪。第二十七七日。分善惡相。第二十八七日。

80 1 2 3 4 5 6 7 8 9 90 1 2 3 4 5 6 7 8 9 100

妄生八想。第二十九。三十七日。黑白隨業。第三十一。至三十六七日。身相具足。第三十七七日。念欲出生。第三十八七日。滿十箇月。向母產門。

倒卓而生

宮字函  
第五卷

法苑珠林云。三十八七日。在母腹中。隨其本行。自然風起。宿行善者。便有香風可其身意。骨節端正。莫不愛敬。本行惡者。則起臭風不可心意。吹其骨節。偏邪彎曲。使不端正。人所不喜。又云。胎中經三十八七日。肢分悉皆具足。從此以後。

復經四日。方乃出生。此說極滿足者。或經九月。或復過此。若唯經八月。此名圓滿。若經七月。六月。名不圓滿。

或復缺減故

壁字函  
第九卷

罵僧闇昧胎淹久

懷兒智慧母聰明

百緣經云。昔長者婦。孕滿十月。子不肯出。尋重有身。復產一子。先懷妊者。在母右脇。如是次第。懷妊九子。各滿十月。而產。唯先一子。故在胎中。中子。猶活不死。我若命終。開腹取子。言訖氣絕。

送尸塚間。請醫耆婆破腹看之。果得一兒頭髮皓白。語諸親言。我由先身惡口罵僧。今處母胎。經六十年受是苦惱。世尊遙知此兒善根已熟。往到尸所。告小兒言。汝是長老比丘不答言。實是衆白佛言。今此老兒宿造何業。久處胎中。佛言迦葉佛時。有諸比丘。夏坐安居。差一比丘爲僧維那。共立制限。於此夏坐。要得道者聽。共自恣。若未得者。不聽自恣。唯是維那獨不得道。衆皆不聽。心懷懊惱。我爲汝輩營理僧事。令得安

穩行道。反不聽我自恣布薩。便罵僧衆。卽被牽閉室中。作是唱言。使汝等輩常處闇冥。不見光明。如我今者處此閻室。作是語已。自戮命終。久墮地獄。今始得脫。故在胎中受是苦惱。然後隨佛出家。精勤修習。得阿羅漢果。時諸比丘復白佛言。老兒比丘宿植何福。出家證果。佛言緣作維那。營理衆事。值我得道。又云。昔有梵志。名曰蛭駄。有其二子。男名長爪。女字舍利。姊弟聰明。俱善論議。長爪每勝於姊。姊旣枉身。弟又不如。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

時長爪云。我姊論勝。必是所懷智子之力。若子出世。論必勝我。當宜遊方廣學。其姊月滿產一男兒。名舍利弗。果達諸論。難可酬對。時諸梵志。擊鼓招集國人。十八億衆。會于論場。時舍利弗。輒升高座。耆舊梵志。無不驚恠。我諸論士。對彼小兒得勝。不足爲榮。其若不勝。大可恥愧。卽遣下座。小婆羅門。共舍利弗粗相答問。其婆羅門。詞窮理屈。漸次相推。遂至上座。盡皆不如。舍利弗論議旣勝。名聞遠著。獨出無侶。後求出家。得

### 阿羅漢果

涅槃字例  
第十卷

### 五蘊品

五蘊色受想行識。四大地水火風。大乘五蘊論云。五蘊者。謂色受想行識。色蘊四大所成也。受蘊領納苦樂。不苦不樂。三也。想蘊。取種種境也。行蘊。諸心所法。貪不息也。識蘊。於所緣境了別爲性。亦名心意。採集所攝也。則字函般若經云。佛告善現。若菩薩摩訶薩。修行般若波羅蜜多時。如實知色受想行識。是爲能學五

蘊善現白佛。其義云何。佛答。若菩薩修行般若波羅蜜多時。如實知色相。如實知色生。如實知色滅。如實知色真如。是爲如實知色。善現。如實知色猶如聚沫。性不堅固。是名如實知色相。善現。如實知色來無所從去無所趣。雖無來無去而生法相應。是名如實知色生。善現。如實知色來無所從去無所趣。雖無來無去而減法相應。是名如實知色滅。善現。如實知色無生無滅。無來無去無染無淨。無增無減。常如其性。不虛妄。

不變易，是名如實知。

**不變易是名如實知色真如乃至知受如水泡**  
如芭蕉知識如衆幻皆虛妄想無去無來生滅相應如實知義例色可明復次佛告

無來生滅相應如實知義例色可明復次仰告  
善現若菩薩摩訶薩修行般若波羅蜜多時如

實知色色而悟空方三妙守知言言眞悟空是爲菩薩摩訶薩修行般若波羅蜜多時能學五

蘊爲字函  
第四卷

宗鏡云。五陰者。謂色受想行識。歷歷分明。即是識陰。領納在心。即是受陰。心緣此理。即是想陰。行用此理。即是行陰。汗穢真性。即是色陰。此五

80 1 2 3 4 5 6 7 8 9 100 1 2 3 4 5 6 7 8 9 100

陰者。舉體即是。一念者。舉體全是五陰。此一念中。無有主宰。卽人空慧見。如幻化。卽法空。

慧

輕字函  
第九卷

圓覺經云。我今此身。四大和合。所謂髮毛爪齒。皮肉筋骨。髓腦垢色。皆歸於地。唾涕膿血。津液涎沫。痰淚精氣。大小便利。皆歸於水。暖氣歸火。動轉歸風。四大各離。今者妄身。當在何處。卽知此身畢竟無體。和合爲相。實同幻化。四緣假合。妄有六根。六根四大中外合成。妄有緣氣於中。

積聚似有緣相。假名爲心。善男子。此虛妄心。若無六塵。則不能有。四大分解。無塵可得。於中緣塵。各歸散滅。畢竟無有。緣心可見。善男子。彼之衆生。幻身滅故。幻心亦滅。幻心滅故。幻塵亦滅。幻塵滅故。幻滅亦滅。幻滅滅故。非幻不滅。譬如磨鏡垢盡明現。同字函

大毗婆沙論。問。四大種。於一切時。不相離耶。答曰。如是。云何知然。如入胎經說。佛告慶喜。初羯邏藍。若有地界。無水界者。便應乾散。今不散者。如

80 1 2 3 4 5 6 7 8 9 100 1 2 3 4 5 6 7 8 9 10

水所攝故。若有水界無地界者。便應流治。今之不流者。地所持故。若有地水無火界者。便應臭爛。今不爛者。火所熟故。若有三界無風界者。應不增長。今增長者。風所動故。

麁字函第七卷

六根六識合六塵。十有二處十八界。般若經云。六根者。謂眼耳鼻舌身意根。亦云六塵者。謂色聲香味觸法也。眼見爲色塵。耳聞爲聲塵。鼻覴爲香塵。舌嘗爲味塵。身染爲觸塵。意着爲法塵。合爲十二處也。復次六識者。本自一

心遍由六根門頭而成六識。謂從見爲眼識。從聞爲耳識。從覴爲鼻識。從嘗爲舌識。從染爲身識。從分別爲意識。如是根塵識三事和合爲十八界。若如實知。自性皆空。是爲能學六根六塵。

六識爲字函第四卷

宗鏡云。有八種識。眼耳鼻舌身意六識。七末那識。八阿賴耶識。問此八種識行相如何。答此八識。具三能變。一異熟。卽第八識多異熟性。故二思量。卽第七識恒審思量故。三了境。卽前六識。

80 1 2 3 4 5 6 7 8 9 100 1 2 3 4 5 6 7 8 9 100

龐了境故解深密經頌云。阿陁那識。此云甚深。

執持

細。一切種子如瀑流我於凡愚不開演恐彼分

別執爲我此第八識能發起前六轉識故第八識謂前世中以善不善業爲因招感今生第八

異熟心是果問此識周徧凡聖境通爲當離此

別有真性爲復即是答非一非異得此識名不

合而合成其藏義此阿賴耶識即是真心不守

自性隨染淨緣不合而合能含藏一切真俗境

界故名藏識如明鏡不與影像合而含影像此

約有和合義邊若不和合義者卽體常不變故號真如因合不合分其二義本一真心湛然不動若有不信阿賴耶識即是如來藏別求真如理者如離像覓鏡即是惡慧以未了不變隨緣隨緣不變之義而生二執起信論云以四種法熏習義一淨謂真如二染謂無明三妄心謂業識四妄塵爲六塵鴛字附  
第十七卷

毗婆沙論問曰心意識有何老別答曰無有差別心即是意意即是識皆同一義如火名火亦

名談亦名熾

仁字函  
第六卷

成唯識論伽他曰藏識說名心思量性名意能了諸境相是說名爲識

則字函  
第五卷

攝大乘論云阿賴耶識以爲心體由此爲種子意及識轉何因緣故亦說名心由種種法熏習種子所積集故復次何故聲聞乘中不說此心各阿賴耶識名阿陀那識由此深細境所攝故所以者何由諸聲聞不於一切境智處轉是故於彼雖離此說然智得成解脫成就故不爲說

若諸菩薩定於一切境智處轉是故爲說若離此智不易證得一切智智頌曰由攝藏諸法一

切種子識故名阿賴耶勝者我開示

嚴字函  
第三卷

大毗婆沙論云問一身中有十二處云何建立十二處耶答曰以彼自性作用別故謂十二處雖在一身而十二種自性作用有差別故非乎相雜如一室內有十二人伎藝各別雖同一室而有十二自性作用

廉字函  
第三卷

利根卽說五有蘊鈍者廣談十八界

80 1 2 3 4 5 6 7 8 9 100 1 2 3 4 5 6 7 8 9 100

大毗婆沙論問佛爲何等所化有情說蘊處界廣略三法答爲鈍根者說十八界爲中根者說十二處爲利根者說五蘊

廉字函  
第一卷

衆生菩薩皆心作地獄天堂亦彼招

宗鏡云心能作佛心作衆生心作天堂心作地獄心異則千差競起心平則法界坦然心凡則三毒縛心聖則六通自在心空則一道清淨心有則萬境縱橫善因終值善緣惡行難逃惡境踏雲霞而飲甘露非他所授臥煙焰而噉膾

血皆自能爲非天之所生非地之所出只在最

初一念

第十五卷

三際求心不可得隨緣應物豈非無

宗鏡舉金剛經云過去心不可得未來心不可得現在心不可得以因現在立過去因過去立未來現在既不住過去亦無生互檢互無徹底空寂但有微毫起處皆從識生今推既無分別自滅分別既滅境界無依如依水生波依鏡現像無水則波不起無鏡則像不生故知非關法

80 1 2 3 4 5 6 7 8 9 100 1 2 3 4 5 6 7 8 9 10

有法無但是識生識滅如金剛三昧經偈云法從分別生還從分別滅滅是諸分別是法非生滅。卽是洞達根境。懿然自覺既明。又能利他普照。故經偈云。究竟離虛妄。無染如虛空。清淨妙法身。湛然應一切。

輕字兩卷

略起有心而作解。還同在夢似非真。宗鏡問。無心者爲當離心是無心。卽心得無心答。卽心得無心問。卽心是有心。云何得無心。答。不壞心相。而無分別。問。豈不辨知也。答。卽辨知。

無能所。是無心也。豈渾無用。始是無心。譬如明鏡照物。豈有心耶。當知一切衆生。恒自無心。心體本來常寂。寂而常用。用而常寂。隨境鑒辯。皆是實性自爾。非是有心方始用也。只謂衆生不了自心常寂。妄計有心。心便成境。以卽心無心故。心恒是理。卽理無理。故理恒是心。理恒是心故。不動心相。心恒是理。故不得心相。不得心相故。卽是衆生不生。不動心相故。卽是佛亦不生。以生佛俱不生故。卽凡聖常自平等。法界性也。

80 1 2 3 4 5 6 7 8 9 100 1 2 3 4 5 6 7 8 9 10

純一道清淨。更無異法。當知但有心分別作解之處。俱是虛妄。猶如夢中。若未全覺。所見纖毫亦猶是夢中事。但得無心。卽同覺後。絕諸境界。但有一微塵。可作修證。不思議解處。俱不離三界。夢中所見。經云。無有少法可得。佛卽授記。駕字

函第  
五卷

### 煩惱品

貪瞋愚癡三不善。報業煩惱三障因。般若經云。惡不善者。謂貪瞋癡。貪復有三。謂上

中下。上品貪者。聞欲境名。舉心踊躍。深心歡喜。不觀欲過。非理追求。心心相續。曾無暫捨。唯見妙好。不知過患。此類命終。當墮惡趣。中品貪者。離欲境時。欲心不起。下品貪者。但共笑言。欲情便歇。瞋亦有三。上品瞋者。憤恚若發。心惛目亂。或造無間。或謗正法。或復造餘諸重罪業。中品瞋者。以瞋恚故。雖造諸惡。尋卽生悔。下品瞋者。心無嫌恨。但口訶毀。卽便追悔。癡亦三品。如理應知。雖作是觀。而知諸法皆如幻夢。虛妄不實。

80 1 2 3 4 5 6 7 8 9 100 1 2 3 4 5 6 7 8 9 100

顛倒故見滅外境界。內心寂靜。不見能行及所行法。無二無別。自性離故。

第六卷  
第十六  
第六卷

阿毗曇心論云。有三種障。所謂業障。煩惱障。報障。障礙聖道。及聖道方便。故名爲障。業障者。五無間業。所謂殺母。殺父。殺阿羅漢。破僧惡心。出佛身血。作此業已。必定次生無間地獄。殺母殺父。棄背恩義。故其餘三種壞福田。故煩惱障者。謂勤煩惱。及利煩惱。勤煩惱者。數行煩惱。利煩惱者。增上煩惱。現行煩惱。名之爲障。報障者。隨

所住報。非聖道器。報過惡故。

都字函  
第二卷

三毒三漏至七漏 五蓋五欲并七慢

毗婆沙論云。三毒者。三不善根。起十惡業。墮十惡處。答曰。殺生有二種。或從貪生。或從瞋生。或從癡生。乃至邪見。亦復如是。

第六卷  
第十七  
第六卷

阿毗達磨論云。三漏者。欲漏。有漏。無明漏。令心連注流散不絕。故名爲漏。

寶字函  
第七  
第六卷  
涅槃經云。欲漏者。一切內惡覺觀。因於外緣。名之爲欲。是名欲漏。有漏者。色無色界。內諸惡法。

80 1 2 3 4 5 6 7 8 9 100 1 2 3 4 5 6 7 8 9 100

外諸因緣是名有漏無明漏者不能了知我及我所。不別內外名無明漏。率字函第七卷

華嚴論七漏者謂一見二諸根三忘四惡五親近六愛七念。六十卷

雜阿含經云五蓋者謂貪欲蓋瞋恚蓋睡眠蓋掉悔蓋疑蓋。盛字函第八卷

中阿含經云五欲者謂眼知色耳知聲鼻知香舌知味身知觸。興字函第五卷

華嚴論云七慢者謂憍慢慢慢過慢卑慢我慢

增上慢邪慢。五十七卷

三結五結仍九結十使十纏并五見

顯揚聖教論云三結者謂薩迦耶見戒禁取及

疑壁字函第六卷

雜阿含經云五下分結者謂身見禁取疑貪欲

瞋恚盛字函第八卷

長阿含經云五上分結者謂色愛無色愛無明

掉慢深字函第二卷

毗婆沙論云九結者愛結恚結慢結無明結見

大乘一覽

80 1 2 3 4 5 6 7 8 9 100 1 2 3 4 5 6 7 8 9 10

結。取結。疑結。嫉結。慳結。規字函  
第四卷

華嚴論中云。十使者。一貪。二瞋。三癡。四慢。五疑。六身見。七邊見。八見取。九戒禁取。十邪見。六十  
一卷  
楞嚴經注云。薩迦耶見者。此云有身見。執身有我。故邊見者。執我斷常。墮二邊故。戒禁取者。執持狗牛等戒。爲生天因故。見取者。執前諸見。爲勝爲能。或執一切有漏等法。妄謂樂淨。即是涅槃故。執見者。卽取名爲見取故。邪見者。撥無因果。斷滅善種。名爲邪見故。第八卷

毗婆沙論云。十纏者。忿纏。覆纏。睡纏。掉纏。眠纏。悔纏。嫉纏。慳纏。無慚纏。錢字函  
第六卷

毗婆沙論云。六十二見者。五蘊中各起四見。四五二十三世各二十。通爲六十。通身卽是神。身異神二見。總爲六十二見。且於色蘊中。卽色是我離色非我。我中有色。色中有我。五蘊中具有此四經云。無身亦無見。

煩惱障與所知障。增上緣并次第緣。  
成唯識論云。隨眠者。謂能取所取性故。二取習

氣名彼隨眠。隨逐有情。眠伏藏識。即是所知煩惱障種。煩惱障者。謂執遍計所執實我薩迦耶。見而爲上首。百二十根本煩惱。及彼等流諸隨煩惱。皆擾惱有情身心能障涅槃。名煩惱障。所知障者。謂執偏計所執實法薩迦耶。見而爲上首。見疑無明。愛恚慢等。覆所知境。無顛倒性能。障菩提名所知障。則字函  
第九卷

攝大乘論云。幾緣能生六識。有三緣。謂增上緣。緣緣。次第緣。釋曰。從根生故。是增上緣。緣塵故。

是緣緣。前識滅。後識生故。是次第緣。前識能與後識三時間中無隔。故名次第。言字函  
第五卷

瑜伽論云。煩惱差別者多種。謂結縛。隨眠。隨煩惱。纏。暴流。扼。取繫。蓋。株。杌。垢。常害。箭。所有。根。惡行。漏。匱。燒。憚。有。諍。火。熾。然。稠。林。拘。礙。當知此中能和合苦。故名爲結。令於善行不隨所欲。故名爲縛。一切世間。增上種子之所隨逐。故名隨眠。倒染心。故名隨煩惱。數起現行。故名爲纏。深難渡。故順流漂。故名暴流邪行方便。故名爲扼。能

取自身相續不絕故名爲取難可解脫故名爲繫覆真實義故名爲蓋壞善稼田故名株杌自性染汙故名爲垢常能爲害故名爲常害不靜相故遠所隨故名爲箭能攝依事故名所有不善所依故名爲根邪行自性故名惡行流動其心故名爲漏能令受用無有厭足故名爲匱能令所欲常有匱乏故名爲燒能引衰損故名爲惱能爲鬪訟諍竟之因故名有諍燒所積集諸善根薪故名爲火如大熱病故名熾然種種自

身大樹聚集故名稠林能令衆生樂着種種妙

欲塵故能障證得出世法故名爲拘礙

習字函第八卷

復次論云隨煩惱者謂貪瞋癡不善根若瞋恚纏面貌奮裂故名爲忿內懷怨結故名爲恨隱藏衆惡故名爲覆染汙驚惶故名熱惱不喜他榮故名爲嫉於資生具深懷鄙恠故名爲慳爲欺謂彼內懷異謀外現別相故名爲詭心不正直解行邪曲故名爲詭於所作罪望已不羞故名爲慚於所作罪望他不耻故名爲愧於他下

80 1 2 3 4 5 6 7 8 9 100 1 2 3 4 5 6 7 8 9

劣。謂已爲勝。令心高舉。故名爲慢。未得謂得。名增上慢。實無其德。謂已有德。故名邪慢。心懷染汙。隨恃榮譽。形相疎誕。故名爲惰。於諸善品。不樂勤修。於諸惡法。心無防護。故名放逸。於諸重。及以福田。心不謙敬。故名爲傲。心懷染汙。爲顯已德。假現威儀。故名爲矯。善口字幽  
第一卷

寶積經云。三事俱得微薄。若施財時。心無貪着。是名貪薄。於乞者所。生於慈心。是名瞋薄。若布施已。回向無上正真之道。是名癡薄。始口字幽  
第二卷

無明法性非一異 生死真如豈兩般

宗鏡問。萬境無明。與一心法性爲是一。爲是二。若是一。不分染淨二名。若是二。云何教中說無明卽法性。答。體一是真名。二是假名。因情立真。以智明情。智自分。真原不動。不可定同。不壞世諦故。不可定異。不失真諦故。涅槃經云。明與無明。愚人爲二。智者了達。其性無二。無二之性。卽是真性。古德約十法界。釋云。愚人者。九界之愚也。愚人取相。見一切法。法性隨其取相。心悉無

明也。如寒谷千年堅冰。未曾作水也。智者。佛界之智也。圓觀行人。開佛眼者。見同古佛也。圓眼所見無明根本。元是清淨法性。如太陽常照海水。未曾作水也。水水性一。隨緣成二。一不守性。恒自隨緣。雖復隨緣。不壞自性。況法性無明。亦何定一。亦何定異。則不隨事而失體。非共非分。不守性。而任緣亦同。亦別。策字函  
第七卷

若斷身見。業不起。既知無我。欲何貪。天莊嚴經云。若如汝言。生死受身。相續不斷。設

有身見。有何過咎。答曰。以身見故。造作諸業。受諸苦惱。若斷身見。不起諸業。業不起故。則不受身。不受身故。衆患永息。則得涅槃。又親友婆羅門語。憍尸迦言。佛說一切法中。悉無有我。時憍尸迦答言。我見佛法。生死無際。一切無我。故若人計我。終不能得解脫之道。若知無我。則無貪欲。便得解脫。于時親友語。憍尸迦。有縛則有解。汝說無我。則無有縛。若無有縛。誰得解脫。憍尸迦言。雖無有我。而有解縛。何以故。煩惱覆故。則

爲所縛。若斷煩惱。則得解脫。諸婆羅門復作是言。若無我者。誰至後世。橋尸迦語諸人言。從過去煩惱諸業得現在身。從今現在復造諸業。得未來身。譬如穀子。衆緣和合。故得生芽。然此種子實是生芽。種子滅。故芽便增長。子滅故不常。芽生故不斷。佛說受身亦復如是。雖復無我業報不失。諸婆羅門言。我聞汝說無我之法。洗我心垢。猶有少疑。若無我者。先所作事云何故憶而不忘失。答曰。以有念覺與心相應。便能憶。

念三世之事。而不忘失。又問。若無我者。過去已滅。見在心生。生滅既異。云何而得憶。念不忘。答曰。一切受生識爲種子。入母胎田。愛水潤漬。身樹得生。如胡桃子。隨類而生。此陰造業。能感後陰。然此前陰不生後陰。以業因緣故。便受後陰。生滅雖異。相續不斷。如嬰兒病。與乳母藥。兒患得愈。母雖非兒藥之力。勢能及其兒。陰亦如是。以有業力。便受後陰。憶念不忘。橋尸迦。卽說無明緣行。行緣識。乃至生緣。老死憂悲苦惱。無明。

0 1 2 3 4 5 6 7 8 9 10 11 12 13 14 15 16 17 18 19 20

100

滅則行滅。乃至老死滅故。憂悲苦惱滅以從衆  
緣無有主宰。便於其中。悟解無我。君字函  
第一卷  
宗鏡問曰。旣無我人。云何有生有死。答曰。但生  
是空生。死是空死。畢竟無有我人可得。

大藏一覽一卷終

大藏一覽第二卷

寧德優婆塞陳實謹編

秀水居士姚舜漁重編

第四門

良由善惡二途故使升沉六道

姚用中校

三歸品

先自歸依佛法僧 由是修持身口意

羯磨經云。歸依佛者。歸於法身。謂一切智。無學  
功德。五分所成。歸依法者。歸於自他盡處。謂開

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

欲無欲滅。諦涅槃歸依僧者。歸於第一義僧。謂良祐福田。聲聞學無學功德也。入字函  
第一卷

大方便經云。三歸是三業性身口意業也。又云。三寶爲所歸。所歸以救護爲義。誓人有罪於王。投向異國。以求救護。異國王言。汝來無畏。莫出我境。莫違我教。必相救護。衆生亦爾。繫屬於魔。有生死罪。歸向三寶。以求救護。若誠心三寶。更無異向。不違佛教。魔王邪惡。無如之何。

器語字函  
第六卷

華嚴經云。自歸於佛。當願衆生。解脫大道。紹隆

佛種。自歸於法。當願衆生。深入經藏。智慧如海。自歸於僧。當願衆生。統理大眾。一切無礙。

平字函  
第

卷四

宗鏡云。教中道自歸依佛等。終不云歸依於他。故云自性不歸。無所歸處。夫歸者。是還源義。衆生六根。從一心起。既背自原。馳散六塵。令舉命根總攝六塵。還歸其本。一心之原。故曰歸命。一心卽具三寶。又云。一體三寶者。只是一心。心性自能覺照。卽佛寶。心體本自性體。名法寶。心體

無二。卽僧寶。又云。聚大師問可大師曰。但見和尚。卽知是僧。未審何者是佛。云何爲法。答曰。是心是佛。是心是法。法佛無二。汝知之乎。俊字函第六卷

天福垂盡將猪報 佛授三歸證道因

折伏羅漢經云。昔忉利天子。壽命垂盡五衰相現。觀壽終後。墮猪胎中。愁悶不樂。有天語之佛。能脫卿之罪耳。卽到佛所。作禮未問。佛告天子。一切萬物。皆歸無常。汝素所知。何爲憂愁。天具白佛。佛言。欲離豚身。當誦三歸。卽從佛教晨夜。

自歸七日壽盡。下生維耶離國。作長者子。在母胞胎。日三自歸。始生墮地。亦跪自歸。舉家深恠。謂之熒惑。意欲殺之。惟父有識曰。此兒者非凡流。世人百歲。尚不曉自歸三尊。況初墮地。而能稱南無佛。好視養之。兒年七歲。路逢舍利弗等。小而能禮。衆咸驚恠。兒言。道人不復見識。我在天上。應生惡道。佛授自歸。故得爲人。願以我言。因請世尊。諸菩薩僧。及仁等也。受請而去。兒還以告父母。願辦供食。父母異其年幼。開發大心。

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

喜而營之。佛及衆僧各作神足來應兒供。以爲說法兒及父母内外親屬皆得阿惟越致。

靈宇第

卷二

### 十善品

聞見如來得清淨修種善根悉不虛

華嚴經云。一切衆生若有得見如來色身。眼得清淨。若有得聞如來名號。耳得清淨。若有得聞如來戒香。鼻得清淨。若有得嘗如來法味。舌得清淨。具廣長舌解語言法。若有得觸如來光者。

身得清淨。究竟獲得無上法身。若於如來生憶念者。則得念佛三昧清淨。若有供養如來所經土地。及塔廟者。亦具善根。滅除一切諸煩惱。患得賢聖樂。設有衆生見聞於佛業障纏覆。不生信樂。亦種善根。無空過者。乃至究竟入於涅槃。復次應知於如來所見聞親近。所種善根皆悉不虛。出生無盡覺慧故。離於一切障難故。決定至究竟故。譬如丈夫食少金剛。終竟不銷要穿身出。何以故。金剛不與肉身雜穢。而同止故。

80 1 2 3 4 5 6 7 8 9 90 1 2 3 4 5 6 7 8 9 100

種少善根亦復如是。穿煩惱身過究竟處。何以故。善根不與煩惱共故。

黎字函  
第二卷

修一善能破百惡。投星火可爇聚薪大涅槃經云。富有二種。一者象馬種種畜生。二者金銀種種珍寶。象馬雖多。不敵一珠。衆生亦爾。一者惡富。二者善富。多作諸惡。不如一善。修一善心。破百種惡。如少金剛。能壞須彌。亦如少

火能燒一切。

退字函  
第九卷

華嚴經云。假使乾草積同須彌。投芥子火必皆

燒盡。何以故。火能燒故。種少善根亦復如是。必能燒盡一切煩惱。究竟涅槃。何以故。此少善根性究竟故。

黎字函  
第二卷

禮佛頓獲五種福。持患能消百八愆。

珠林舉增。一阿含經云。禮佛有五功德。一者端正以見相好。生尊上故。二得好聲。以歌詠佛等。正覺故。三多饒財。以具香華。爲供養故。四生處高貴。以膝着地。長跪禮故。五生天上。以念佛功。法應爾故。

藁字函  
第十卷

木患經云。波瑠琉璃王白佛。我國中災患。使我憂勞。不得修行。願賜易修要法。佛告王言。若欲滅煩惱障。報障者。當貫木患子。一百一十八。以常自隨。行住坐臥。恒當志心。無分散意。稱佛陀。達磨僧伽名。乃過一木患子。如是漸次度木患子。若干。若二十。若百。若干。乃至百千萬。若能滿二十萬遍。身心不亂。無諸諳曲捨命得生第三炎天。滿百萬遍。當得斷除百八結業。始名背生死流趣。向泥洹。斷煩惱根。獲無上果。大王禮謝。卽辭。

木患以爲千具六親國戚。皆與一具。王常誦念。雖親軍旅。亦不廢置。又作是念。世尊大慈普應一切。若我此善得免長淪苦海。佛當現身爲我說法。願樂迫心。三日不食。佛卽應形。至其宮內。而告王曰。莎斗比丘誦三寶名。經歷十歲。得成斯陀含果。漸次習行。今在普香世界。作辟支佛。王聞是已。倍復修行。佛告阿難。何況能誦三寶名。經歷萬數。但能聞此人名。生一念隨喜者。未來生處。常聞十善。衆喜奉行。

學字函  
第四卷

歸難一稱南無佛隨聲大救滿船人除滅獄火

智度論云念佛三昧有大福德能度衆生如昔日有五百估客入海採寶值摩伽羅魚王開口海水入中船去駛疾船師問樓上人汝見何等答言見三日出白山羅列水流奔趣如入大坑船師言是摩伽羅魚王開口一是實日兩是魚眼白山是魚齒水流奔趣是入其口我曹了矣各各求諸天神以自救濟是時諸人復求所事

三藏感應中有五戒優婆塞語衆人言佛能救

厄當共同聲稱南無佛此魚先世是佛破戒弟子聞稱佛聲得宿命智心自悔悟卽便合口船人得脫以念佛故俱免厄聖字函第七卷

珠林舉譬喻經云昔有國王煞父自立有阿羅漢知此國王不久命終計其餘命不過七日若命終後必墮阿鼻地獄一劫受苦此阿羅漢尋往化之勸教至心稱南無佛七日莫絕王便一心稱念晝夜不廢至于七日便卽命終魂神趣向阿鼻地獄乘前念佛至地獄門卽便大聲稱

南無佛。罪人咸聞。一時同聲稱南無佛。地獄猛火。卽時化滅。一切罪人。皆得解脫。蒙字函  
第三卷  
法華偈云。若人散亂心。入於塔廟中。一稱南無佛。皆已成佛道。樹字函  
第一卷

四方山合王何計

一念檀修。自可超

涅槃經云。佛告波斯匿王。有親信人從四方來。各作是言。有四大山。從四方來。欲害人民。當設何計。王言。世尊。設有此來。無逃避處。唯當專心持戒布施。我卽讚言善哉。大王。我說四山。卽是

衆生生老病死。常來切人。云何不修戒施。王言。世尊持戒布施。得何等果。佛告大王。於人天中。多受快樂。

體字函  
第九卷

受佛付囑賓頭盧

爲世福田。檀越供

珠林云。賓頭盧尊者。受佛教勅。爲末法人作大福田。有一長者。凡三次如法施設大會。至心敬請於毘拏下遍敷好花。驗之。大眾食證。發視毘拏之下。花悉萎黃。懊惱自責。不知過所從來。復請百餘法師。求請所失。懺謝罪過。有一上座告

之三會請我皆來。以我年老衣服弊壞。汝自使  
奴門中見遮我。遂強入被打頭破右額瘡是第  
二會來復打額中瘡是第三會來復打左額瘡  
是汝自爲之何所懊惋言已不見長者乃知是  
賓頭盧自爾以來諸人設福皆不遮門精誠感  
徹無不至也或在上坐或中下坐人求其異終  
不可得坐花不萎乃知之矣今見齋家多不依  
法但逐人情安置凡俗全不愛佛及於聖僧如  
經所說施主闔家虔誠預前七日掃灑佛堂及

安置聖僧坐處洗浴潔身燒上名香懸繪幡蓋  
散衆雜花手執香爐盡誠敬仰奉請三寶及以  
聖僧十方法界一切聖凡受弟子請降臨聖戒  
若是貧家無好香花復無安置之處臨時斟酌  
僧未坐前先上好處安置佛座次聖僧座敷設  
新淨軟物布綿在上若施主心重有感似人坐  
處卽知報身來赴若無相現但化身來若是輕  
慢報化俱不至其坐不得絲畫錦綺綾羅金銀  
雜飾及散花置上雖是羅漢然共凡僧同受二

百五十別解脫戒。所以不受雜綵金銀等物。若是諸佛菩薩大乘之人。非局出家相者。所以得受種種供養。安聖僧座及以獻食高處安置尺六已下。不得作塑形。聖僧在座安置。儻報身自來。豈可推却塑像而坐。若有聖僧錢還入聖僧用。然燈燒香。冬夏四時。隨宜供養。豈得互用。若已用者。並須倍還。不還得罪。四分律云。許此處不得異處得罪。若是隨家常食。每旦及午供養三寶。心常不絕。功德無量。

添字述  
第二卷

食有四種時。非時。菓及一切聽不聽。  
珠林問何名食時。何名過時。答曰。依四分律云。謂明相出時。始得食粥。明相未出時。即是乃至日中。按此午時爲法。卽是食時。僧祇律云。過此午時。影一髮一瞬。草葉等。卽是也。

毗羅三昧經佛說。食有四種。旦天食時。午法食時。暮畜生食時。夜鬼神食時。佛斷六趣。因令同三世佛故。日午時是法食時也。過此已後。同於下趣。非上食時。故曰非時也。

處處經云。佛言。中後不食。其有五福。一者少姪。二者少臥。三者得一心。四者無有下風。五者身得安隱。亦不作病。

優婆塞戒經云。凡所食者。要先施於沙門梵志。然後自食。當作是念。初下一匙飯時。願斷一切惡盡。下第二匙時。願修一切善滿。下第三匙時。願所修善根。回施衆生。普共成佛。四分律云。一切苦辛。鹹甘等。不任爲食者。聽非時。盡形作藥服。

善見論云。一切樹木及果根莖枝葉等。不任爲食者。並得作盡形藥服。黎字函  
第二卷

雖獻一香一佛所。能遍無量無邊方。

三昧海經。佛告阿難。若禮一佛。當作是念。諸佛心智。無有限礙。我今禮一佛。卽禮一切佛。若思惟一佛。卽見一切佛。見一一佛前。有一行者。接足作禮。皆是已身。若以一華供養佛時。卽當作想。身諸毛孔。令一毛孔出無數華雲。運想擬意。供一切佛。一一佛上。化成華臺。諸佛受之。於十

80 1 2 3 4 5 6 7 8 9 100 1 2 3 4 5 6 7 8 9 100

方界施作佛事。供養香等。亦復如是。當發是願。願此華香。滿十方界。供養一切佛。化佛并菩薩。無數聲聞衆。受此香華雲。以爲光明臺。廣於無邊界。無量作佛事。禮佛若坐禪。起是供養心。當發是願。繒蓋幢幡。音樂偈頌。亦作是願。我今設此少分供具。願此供具。遍供十方一切諸佛。諸佛受之。於幢幡中。化光明雲。於伎樂中。偈頌之中。演好法音。覆字函第十一卷

五事不懈漸加功 十善圓成無上果

四十二章經云。衆生以十事爲善。十事爲惡。身三口四意三身三者殺盜婬口四者兩舌惡罵妄言綺語意三者嫉恚癡不信三尊以邪爲眞。優婆塞行五事。不懈退至十事必得道也。辭字函第十五卷

華嚴經云。十善業道。是人天乃至有頂處受生因。又此上品十善業道修入聲聞緣覺菩薩乘。又上上品十善業道成就菩提。愛字函第十五卷佛尚貪鍼。貪少福。人何厭善不勤修。

增一阿含經云。阿那律尊者。以凡常之法。而縫衣裳。便作是念。得道阿羅漢。誰與我貫鍼世尊至而告曰。汝持鍼來。吾爲汝貫。阿那律曰。向所稱說者。謂世間欲求福者。與我貫鍼世尊告曰。世間求福之人。無有厭足。無復過我。如字函  
第一卷

滴善寄佛祝藏之。經劫還渠終不失。

泥洹經云。佛告阿難。若有衆生。於諸佛所。一發信心。如是善根。終不敗亡。何況復作諸餘善根。譬如有人。毛端霑一滴水。持至我所。而作是言。

我以此水。寄付瞿曇。莫令風日。飄暴乾竭。不令鳥獸飲之。令盡。勿使異水。而有和雜。如來卽受彼寄。置恒河中。隨流而去。使不入涸。復無遮礙。諸鳥獸等。不能飲盡。如是水滴。共大水聚。漸入大海。毗嵐風起。壞世界時。而來我所。言所寄水。今有無耶。如來知我水滴住處。不雜餘水。不增不減。平等如故。持還彼人。如是如來應正遍知。大智多能。於受寄人中最尊最勝。經於久遠。而不虧損。此義應知。毛端者。喻心意識。恒河者。喻

生死流一滴水者。喻一發微少善根。大海者。喻佛如來所寄人者。喻彼長者居士等。久遠不虧者。喻善根不失。

歸字函  
第三卷  
畜生念佛皆成道。蛤兒聞法也生天。

般泥洹經云。若復有人。但心念佛。一生敬信。我說是人。當得涅槃果盡涅槃際。且置人中念佛功德。若有畜生於佛世尊能生念者。我亦說其善根福報。當得涅槃。

歸字函  
第二卷

經律異相云。迦羅池中。有一蛤兒。聞佛說法。卽

從池出入草根下。是時一牧牛人見衆圍繞聽。佛說法前。詣佛所欲聞法故。以杖刺地。誤着蛤頭。蛤卽命終。生忉利天尋卽思惟。我先爲畜。何因緣故。生此天宮。觀見因於聽法得此果報。時蛤天人卽乘宮殿往至佛所禮謝。佛爲說法得須陀洹果。

啓字函  
第八卷

布施品

給孤謀略纔營寺。天界宮成先待渠。  
經律異相云。佛大檀越須達多長者居舍衛國。

常施孤獨故曰給孤獨因往王舍城護彌長者家爲男求聘因見其家請佛說法須達本事外道忽聞佛法生歡喜心接足作禮而白佛言我

舍衛國人多信邪弟子欲營精舍請佛往化願垂聽許佛默受請卽遣舍利弗指授規則遍處求踏唯有祇陀太子一園廣八十頃林木鬱茂幽靜可居旣得勝地往白太子太子戲曰滿以金布便當相與須達喜曰此園已屬我矣太子對曰我戲語乎兩成興諍時首陀天下爲評議

以太子法不應妄語價旣已決不宜中悔須達出金布八十頃須臾欲滿尚缺少地祇陀卽語須達園地屬卿樹林屬我共以上佛捉繩定基之際舍利弗忽笑須達問其故答曰汝始於此經營而六欲天宮殿已成汝果報也卽借須達弗言第四欲天補處菩薩常彼說法須達言我願生此出言旣竟餘宮悉滅精舍告成凡十二百處白王遣使請佛安住靈字函第三卷

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100

阿育曩生因施土 厥功後世報爲王

阿育王經云。佛在世時。入王舍城乞食。見二小兒。一名德勝。二名無勝。弄土而戲。擁以作城。舍宅倉庫。以土爲麩。着於倉中。見佛相好。德勝歡喜。掬倉中土。名爲麩者。奉上世尊。而發願言。使我將來。蓋於天地。廣設供養。緣是善根。發願功德。佛般涅槃一百年後。作轉輪王。王閻浮提。

函第  
一卷

又雜阿含經云。阿育王問諸比丘言。誰於佛法

中行大布施。諸比丘言。給孤獨長者。捨百億千金。乃大檀越。王亦欲施百億千金。時造八萬四千寶瓶。及諸幡蓋。付諸夜叉。於闇浮提一切國土。乃至大海起塔。諮耶舍尊者云。欲於一日一念之中。起八萬四千寶塔。一時俱成於彼。一一塔中。復施百千金。復作五歲大會。會有三百千比丘。用三百億金供養。如是計用九十六億千金。王後得病。以未滿願。卽辦珍寶。送雞雀寺中。諸臣白太子。庫藏已竭。令典藏者。勿復出與大

0 1 2 3 4 5 6 7 8 9 10 11 12 13 14 15 16 17 18 19 20

王用之時。王旣知索物不得。所食金器。盡送寺中。太子令斷金器。勑以銀器。王復送寺。銅器亦與至。用瓦器。時大王只有半箇訶摩勒菓在手。悲淚呼傍臣言。此闍浮提是我所有。今於財寶不得自在。惟此半菓。我得自由。今送寺中。研磨爲漿和石榴羹。供養衆僧。庶得周遍。此是最後檀波羅蜜。哀憫我故。受納此施。時王復問羣臣。誰是闍浮提王。臣奏。大王是也。王曰。我今以此闍浮提施與三寶。隨意用之。而說偈曰。

今此闍浮提 多有珍寶飾 施與良福田  
果報自然得 以此施功德 不求天帝釋  
梵王及人主 世界諸妙樂 如果等果報  
我悉不用受 以是施功德 疾得成佛道  
爲世所遵仰 成得一切智 世間作善友  
導師最第一

川字函  
第五卷

舉家皆福隨人感 往世同食施佛來  
五分律云。昔跋提城有長者名文荼。舉家兒婦以至奴婢。皆大福德。長者入倉。空中雨穀。出而

後止。婦取飯器。分布內外。隨取隨滿。兒捉金囊。  
瀉出真金。注而不竭。兒婦出米一斛。供家一月。  
而亦不盡。其奴耕時。輒成七壠。其婢磨香半兩。  
塗家内外。亦不減盡。四方人聞。莫不來觀。及瓶  
沙王與天眷至。果見如是。歎服不已。長者白佛。  
我兒婦等。皆云已福。竟是誰力。唯願說之。佛答。  
汝等共。有此福。昔王舍城。一織師家。因辟支佛。  
持鉢乞食。織師令以已飯施之。婦讓夫食。持我  
分與。兒至奴婢。遞相讓施。辟支佛言。汝等皆已

捨分與我。善心爲畢。可共減與。汝食不少。我亦  
得足。人減一匙。平滿彼鉢。辟支受施。神變而去。  
彼等命終。生六欲天。展轉七反。餘福生此織師  
眷屬。今汝等是。

兒婦行檀宮殿樂

和字函

第一卷

譬喻經云。舍衛城東。有一婆羅門大富。其子娶  
得事佛家女。奉五戒持六齋。常好布施。勸夫行  
檀。夫卽開解。白其父母。父母大恚。謂破吾家。婦  
持錢帛與夫。夫持與守閣婢。婢持與守門奴。奴

送佛寺布施。夫婦誓言。施若有福者。當使天下人。皆共見之。然後國俗。三月三日。舉國人民。皆至水上作樂。忽東南角。有一大人。騎一白馬。乘空而過。衆人仰問。是何神靈。答曰。問後來者。須臾復見七寶宮殿。有一玉女。獨坐其上。四大天神。接殿飛行。衆人又問。君何功德。玉女亦令問後來者。俄而復見大七寶殿。一天一女。共坐其中。前後妓樂十二天神。共接其殿。衆人又問。有何功德。亦答。問後來者。須臾復見二薜荔鬼。乃餓鬼也。

思惟名身長三丈。黑瘦醜陋。饑渴苦痛。身中熾然。各捉大棒。更相撲打。衆人又問。答曰。諸君還聞舍衛城東大富婆羅門否。騎白馬者。是守門奴。小殿玉女者。是守閭婢。大殿二人。我兒與婦。二鬼是婆羅門夫婦。前世愚癡。不信正法。今當厄禍。可復柰何。

啓字函  
第一卷

婢施一金公主貴。貧捨兩錢正后榮。法苑珠林云。阿育王宮。有一婢使。見王作福。自尅責言。王先身時。布施如來一掬土。故得此富。

貴今日復作將來轉勝。我先身罪。今日所下。又復貧窮。無可修福。將來轉賤。何有出期。思已啼哭。偶因掃地。得一銅錢。卽施衆僧。心生歡喜。不久病終。託阿育王夫人腹中。爲女出世。端正殊妙。右手常捲。年滿五歲。王抱膝上。摩手取開。有一金錢。隨取隨生。而無窮盡。須臾之間。金錢滿藏。王恠所以往問夜奢羅漢。答言。此女先是王婢。掃糞壤中。得一銅錢。布施衆僧。生爲王女。報應如此。又云。耆闍崛山。多有僧住。送供者衆有

堪爲夫人。沐浴更衣。千乘萬騎。迎至王所。王喜甚。重後念我今得是福報緣。以兩錢施僧。卽白王言。聽往報恩。便以車載珍寶。飲食詣山布施。上座卽令維那。呪願夫人念言。前施兩錢。上座爲呪。今載珍寶。何不爲呪。年少比丘。亦嫌此事。上座爾時與夫人言。我佛法中。唯貴善心。不貴珍寶。夫人先施兩錢之時。善心極勝。今施珍寶。吾我貢高。是以我今不爲呪。願年少比丘。聞已慚愧。時爲說法。夫人衆僧。皆證初果。

啓字函  
第一卷

三錢布施五里歡。後生伏藏如斯廣。  
雜寶藏經云。昔惡生王遊觀林苑。見一金貓入西南角。遣人發掘。得一銅盆。益受三斛。滿中金錢。漸漸深掘。復獲一盆。次第而得三重之盆。復從傍掘。展轉不已。滿五里中。盡得銅盆。滿盛金錢。如初不異。時王奇怪。卽詣尊者迦旃延所。具論得錢因緣。欲用得無災患否。尊者答言。此王福報。但用無苦。毗婆佛時。有諸比丘。於四衢道施大高座。置鉢在上。而作是言。世人能於堅牢。

藏中。若舉錢財入此藏者。水不能漂。火不能燒。王不能奪。賊不能劫。有賣新人得三文錢。聞此語已。生歡喜心。捨着鉢中。誠心發願。去舍五里。當還家時。步步歡喜。既到其門。向勸化處。至心復願。然後入舍。爾賣薪人今王是也。緣施三錢。世世尊貴。常得如是。三重益錢。緣五里。歡喜常滿。五里有此錢藏。王聞宿緣。歡喜而去。鶯字兩第十七卷

施一菓多劫無病。施一食七反爲天。付法藏經云。毗婆尸佛時。有一比丘。頭痛之患。

王不能奪。賊不能劫。有賣薪人得三文錢。聞此語已。生歡喜心。捨着鉢中。誠心發願。去舍五里。當還家時。步步歡喜。既到其門。向勸化處。至心復願。然後入舍。爾賣薪人今王是也。緣施三錢。世世尊貴。常得如是。三重盆錢。緣五里歡常滿。五里有此錢藏。王聞宿緣。歡喜而去。驚字函  
第七卷

驚字函  
第七卷

**施一菓多劫無病 施一食七反爲天  
付法藏經云。毗婆尸佛時。有一比丘頭痛之患。**

0 1 2 3 4 5 6 7 8 9 10 11 12 13 14 15 16 17 18 19 20

果。鋟熟不焦。金煮不爛。水溺不漂。魚吞不死。刀

剗不傷。年百六十無疾。由施病僧一菓。漆字函  
第二卷

達磨顯宗論云。無滅尊者。昔於殊勝福田。因一

施食異熟。從茲七反生三十三天。七生人中。爲

轉輪聖帝。最後生在大釋。自字函  
第三卷

施一縷成就菩提。施一燈亦得作佛。

寶積經云。旁耆羅私佛在世時。有紡績者。名績常。紡微綫奉施如來。因白佛言。願愍我故。受此縷綫爲攝受處。以此善根於未來世。得成如來

能攝一切。如是日施一縷。滿千五百。由此福故。十五拘胝不墮惡趣。千拘胝反爲轉輪王。千拘胝反作天帝釋。奉觀千拘胝佛。又以香華衣服之屬。供養如來。從是以後。經一阿劫耶劫。出現於世。證大菩提。號善攝受如來。由施微縷。發心大故。次第展轉成滿佛法。當知由心。不由於縷。而說頌曰。○行施不求妙色財。亦不願感天人。趣爲求無上勝菩提。施微而獲求大果。鳥字函  
第一卷

阿闍世王受決經云。王飯佛已。還於祇洹。王多

然燈。具百斛油。從宮直至精舍。時有貧母。常欲供佛。而無資財。見王作此功德。彌切傷感。乞得兩錢。至麻油家。就買食膏。當於佛前。然之心計。此膏不足半夕。乃自誓言。若我後世。得道如佛。膏當通夕。光明不消。作禮而去。王所然燈。或滅或盡。雖有人幹。常不周匝。貧母一燈。迥然獨耀。通宵不滅。膏又不盡。及至明朝。佛告目連。可滅諸燈。目連乃滅。唯有貧母一燈。三滅不滅。便舉袈裟扇之。益明。乃以神通引毗嵐風吹之。轉熾。

上照梵天。傍照三千大千世界。佛告目連。止此當來佛之光明功德。非汝威神所滅。此母宿會供養百八十億佛已。從前佛受決務。以經法開化人民。未暇修檀。故今貧窮。無有財寶。後三十劫功滿。作佛號曰須彌燈光如來。

傷字函  
第七卷

花奉慈尊蒙記。荊草蓋如來證辟支採花達王上佛。經云。王勑園監。晨採好花。皆送入宮中。路遇佛。聞法歡喜。以所持花。悉散佛上。佛授決曰。汝已供養九十億佛。却後百四十劫。

汝當作佛。號曰妙華如來。

傷字函  
第七卷

菩薩本行經云。佛在鬱單羅延國領千二百衆。

行村落間時天盛熱路無蔭涼一牧羊人念言。

三界之師冒涉盛暑編草作蓋用覆佛上捉隨

佛行去羊大遠放蓋擲地還趣羊邊佛告阿難

此人敬心草蓋覆佛十三劫中天上世間生尊

貴處常有自然七寶之蓋而在其上竟十三劫

出家爲道成辟支佛名阿耨婆達。

器字函  
第十一卷

採花上佛方途半偶亡乘善達天中

譬喻經云昔有牧羊小兒因見池生五色蓮花採以上佛未及於寺遭牛觸殺生忉利天。

啞字函  
第十二卷

施寺未住雨爲壞蒙佛會臨福必然

毗柰耶經云昔六衆闡陁化一長者捨造一寺

下無水賣上無泄渠寺方成已明日慶讚佛知

此寺夜後崩墮施主大惱而取命終勑諸苾芻有定力者於初夜分往詣闡陁所造寺中各修

善品世尊於後夜分亦往彼寺起世俗心諸佛

常法。起世俗心者。帝釋諸天。皆悉知意。而來雲  
集。佛爲宣說諸法無常。時諸苾芻與佛俱去。至  
後夜時。風雷大雨。水無出處。寺便崩倒。天明施  
主詣寺慶讚。作如是念。捨無量財。未曾受用。遂  
見崩墮。悶絕于地。少頃蘇醒。佛令難陀告長者  
曰。多有施主。奉爲如來造立房舍。然佛世尊竟  
不受用。於彼施主。福亦隨生。何況汝寺於初夜  
時有耆宿德苾芻。皆入受用。世尊亦往。諸天來  
集。宣說妙法。福利無邊。長者聞已。深生歡喜。而  
字

常法。起世俗心者。帝釋諸天。皆悉知意。而來雲  
集。佛爲宣說諸法無常。時諸苾芻與佛俱去。至  
後夜時。風雷大雨。水無出處。寺便崩倒。天明施  
主詣寺慶讚。作如是念。捨無量財。未曾受用。遂  
見崩墮。悶絕于地。少頃蘇醒。佛令難陀告長者  
曰。多有施主。奉爲如來造立房舍。然佛世尊竟  
不受用。於彼施主。福亦隨生。何況汝寺於初夜  
時有耆宿德苾芻。皆入受用。世尊亦往。諸天來  
集。宣說妙法。福利無邊。長者聞已。深生歡喜。而  
字

子字函  
第七卷

1 2 3 4 5 6 7 8 9 10 11 12 13 14 15 16 17 18 19 20

人厭佛乞太頻頻。佛告汝福亦數數。  
雜阿含經云。佛於晨朝入舍衛城乞食。到突邏  
闍婆羅門家。盛滿美飯以奉世尊。於第二日及  
第三日復詣乞食。彼婆羅門作念數來。佛知所  
念卽說偈言。○天雨數數降。五穀數數熟。道人  
數數乞。檀越數數與。數數生天上。數數受果報。  
婦女數懷妊。數數生子息。數數穀牛乳。數數得  
酥酪。數數受於生。數數消滅盡。數數至於死。數  
數悲苦惱。亦復數數燒數數埋塚墓。得斷後有

道。則止不數數。若不數數生。亦不數數死。得不  
數數憂。亦不數號哭。時婆羅門施食奉上。世尊  
不受。當以與誰。佛言我不見沙門婆羅門。若魔  
若梵。若食此食。有能如法得消化者。佛復言。此  
食宜應置於無蟲水中。無蟲草中。時婆羅門承  
佛教勅。尋置水中。卽時熾然煙燄俱出。滑滑振  
聲。婆羅門歎言。希有。投佛出家息字函  
第四卷

因兄勸施必獲報

開庫望來何太忙

布施望卽報。經云。目連有弟巨富。兄告之曰。聞

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100 1 2 3 4 5 6 7 8 9 100

卿慳惜。不好惠施。佛常顯說惠施之者。獲報無數。弟既聞之。開藏布施。更新立庫。欲受其報。未經旬日。財寶竭盡。故藏悉空。新藏無報。向兄曰。何誤乎。目連曰。止止。無使邪見之士。聞此籠言。吾今權且示汝微報。以神足力接其弟至第六天上。彼有宮殿七寶合成。庫藏盈滿。玉女營從數千萬衆。純女無男。弟問目連。是何宮殿。巍巍乃爾。目連告弟。汝自往問。天女報曰。目連有弟大富布施。命終之後。當來生此作我等夫。其人

聞喜。詣兄懺悔。還於世間。廣施不倦。

丙字函  
第四卷

○病僧須肉買俱無。○斯那割股誠可切。

賢愚因緣經云。昔優婆夷。摩訶斯那。常以四事供養佛僧。見病比丘。問欲何食。答言。欲熟肉汁。市禁屠殺。即使人以金錢等。重尋買俱無。斯那思惟。往昔菩薩以一鵠故。猶自割肉。不惜身命。况佛弟子。而不濟彼。作是念已。即割股肉。合諸藥草。煮以爲餌。送病比丘。食已頓愈。

盤字函  
第三卷

若飯凡夫。百有衆人。不如持戒一善人。

80 1 2 3 4 5 6 7 8 9

100 1 2 3 4 5 6 7 8 9

四十二章經云。飯百凡人。不如飯一善人。飯千  
善人。不如飯持五戒者一人。飯持五戒者萬人。  
不如飯一須陀洹。飯須陀洹百萬不如飯一須  
陀含。飯斯陀含千萬。不如飯一阿那含。飯阿那  
含一億。不如飯一阿羅漢。飯阿羅漢十億。不如  
飯一辟支佛。飯百億辟支佛。不如以三尊之教  
度其一世二親。教親千億。不如飯一佛辭字函  
第七卷。供養無量百千佛。不如無心一道人施字函  
有。

法三

摘要錄云。佛爲須達。說布施果報。謂多施少報。  
少施多報。供養百千白衣。不如供養一淨行。乃  
至供養百千諸佛。不如供養一無心道人。溪字函  
第

卷四

法苑云。施有三法。一送食至寺名上。就舍供養。  
名中造舍乞施。發心供養名下。漆字函  
第二卷  
施食獲五無量福。供僧亦七無盡功。  
食施獲五福報。經云。佛言。食施有五功德。一曰  
施命。二曰施色。三曰施力。四曰施安。五曰施辯。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

何謂施命人。不得食。七日壽終。智者能施。則爲施命。其施命者。世世長壽。財富無量。何謂施色。人不得食。顏色顚頽。智者能施。則爲施色。其施色者。世世端正。人見歡喜。何謂施力。人不得食。身羸意弱。智者能施。則爲施力。其施力者。世世多力。終無耗減。何謂施安。人不得食。心愁身危。智者能施。則爲施安。其施安者。世世安隱。不遇災患。何謂施辯。人不能食。困不能言。智者能施。則爲施辯。其施辯者。世世通達。人採法言。是爲

五福食之報也。

添字函  
第二卷

尊那經云。尊那尊者白佛。無盡功德。還可得否。佛答。無盡功德。甚深微妙。若人歸心。獲大果報。乃有七種。若善男子。信心布施。園林池沼。充四方僧經行游止。此是第一無盡功德。復於彼中。建立精舍。衆僧安止。此是第二無盡功德。彼精舍內。布施坐臥之具。所謂牀椅。檀褥。衣被。種種受用之物。此是第三無盡功德。復施財穀。供養衆僧。此是第四無盡功德。復於往來衆僧常施。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

所須之物。此是第五無盡功德。復於病苦者能行布施及看病者亦行布施。此是第六無盡功德。乃至雨雪寒冷能修種種飲食湯藥衣被鞋履之屬供給衆僧得大安樂。此是第七無盡功德。若人具足此法獲大果報。

華函字

廣施七種梵天福敬施五人大果功  
佛說福田經云廣施有七一者興立佛圖僧房  
堂閣二者園菜浴池樹木清涼三者常施醫藥  
療救衆病四者作堅牢船濟渡人民五者安設

橋梁過度羸弱六者近道作井渴乏得飲七者  
造作清廁施便利處是爲七得梵天福。

清字函第3卷

雜毗曇心論云施五種人得大果何以故父母  
長育生身恩故施得大果病者無依增悲心故  
施得大果善說法者示善惡故施得大果近佛  
地者積集功德攝衆生故施得大果

華字函第8卷

又雜阿含經云波斯匿王白佛應施何處當得  
大果佛言我今問汝隨意答我譬如戰鬪集諸  
戰士而有婆羅門子從東方來利利童子從南

方來。釋舍童子從西方來。首陁羅童子從北方來。不善兵法。畏憚前敵。如此士夫。王當賞。不。王白佛言。不賞。佛告大王。臨戰鬪時。有婆羅門等童子。善學武藝。能破巨敵。如此戰士。加重賞。不。王白佛言。重賞。佛告大王。如是沙門。婆羅門。遠離五支。成就五支。建立福田。施此田者。得大福利。得大果報。何等爲捨離五支。謂斷貪欲。瞋恚。睡眠。掉悔。疑。蓋。何等爲成就五支。謂成就無學。戒身。定身。慧身。解脫身。解脫知見身。不字函

不守函  
第一卷

**施濬呪福啞其虛** 示舌覆面言何妄

普曜經云諸婆羅門因共立制若與佛食共佛語者罰金錢五百時佛入城乞食人皆閉門空鉢而出有一使女以破瓦器盛臭瀦激二音譏殷門棄之見佛空鉢信心清淨欲與供養無由如願云此弊食須者可取佛知彼意卽受其施而說女人施食十五劫中天上人間受福快樂不墮惡道後得男身出家學道成辟支佛婆羅門云佛爲食故妄語如此不堪臭食果報爾重佛

卽出舌覆面上至髮際。語婆羅門。汝見經書頗有此舌。作妄語不。婆羅門言。如此舌者。必不妄言。禮佛悔過。佛爲說法。得初道果。卽大聲告衆曰。玆露門開。如何不出諸婆羅門迎佛供養。皆得淨信。啓宇函

壽命童子經偈曰 日月星辰可墜地。山石從

卷之二

施少福多誰肯信 種小樹大我何誣

雜譬喻經云。舍衛城外。有清信女。佛至分衛。飯著鉢中。作禮。佛爲咒願。種一生十種。十生百種。百生千。乃至生萬。生億。得見道諦。其夫不信。問佛。何過甚哉。施一鉢飯。得爾多福。復見道諦。佛言。卿見尼拘類樹。高幾許。答。高四十里。歲下數萬斛實。佛言。汝語何過甚乎。種如纖芥。高四十里。下萬斛子。答曰。實爾。佛言。地者無知。其報力爾。何況歡喜持一鉢飯。上佛。其福不可稱量。夫婦心意開解。得須陀洹道。

80 1 2 3 4 5 6 7 8 9 10 11 12 13 14 15 16 17 18 19 20

1 2 3 4 5 6 7 8 9 10 11 12 13 14 15 16 17 18 19 20

大藏一覽

卷二

三

鼠雀有侵依我活 慈悲無害施功深

優婆塞戒經中云。若復川倉多有鼠雀犯暴穀  
米。但作是念。如是鼠雀因我得活。念已歡喜。無  
觸惱想。當知是人得無量福。

莊子注  
第五卷

富貧因乞俱生惱 苦樂良由一念差

法苑云。有二種人。一則大富。一則貧窮。有乞者  
來。如是二人俱懷苦惱。有財物者懼其乞索。無  
財物者。我當云何得少財物與之。如是二人憂  
苦雖同。果報各異。貧悲念者。生人天中。受無量

樂。富慳貪者。生餓鬼中。受無量苦。

第一卷

貧施富慳由夙習 既富無榮悔施愆

彌勒所問經云。富人慳惜。貧者能捨。其義云何。  
答曰。彼人過去雖久習慳。忽遇清淨福田。少行  
布施。是故願得今身富樂。以習成性。慳猶不捨。  
貧能施者。彼人過去於非福田。無信心故。不至  
心故。爲名稱故。爲求事故。求尊重故。彼人能施。  
以是義故。不得富報。習施來故。今猶能捨。

傳字  
第五卷

雜阿含經云。舍衛城長者名摩訶南。無有子胤。遇患命終。家財入官。金銀珍寶。數千億萬。不可稱計。以慳貪故。惜不食歟。所可食者。極爲龐濶。若食羹時。煮薑一把。煮已還取。賣爲財用。所可著者。唯衣簾布。乘朽故車。連綴樹葉。以爲傘蓋。未曾見其修少布施。沙門婆羅門。貧窮乞兒。又復不能供養父母。妻子奴婢。佛言。愚人。非善丈夫。此摩訶南曩施辟支一飯。不至心施。不自手施。撩擲而與。後復生悔。由先施食。得生富家。有

悔心故。自然不喜享用。而又往世爲錢財故。殺異母弟。經地獄苦。後報人中。錢財七反。常沒於官摩訶南。施辟支食。受福已盡。入于地獄。息第

卷三

○食不出生非佛子。○施非隨分豈智人。大涅槃經云。佛遊聚落樹下。一神名曰曠野。純食肉血。日食一人。我爲說法。然彼愚癡不受教道。我卽化身爲大力鬼。動其宮殿。令不安所。彼鬼迷悶。我以慈憫。手摩其身。卽還坐起。生善信。

心我復本相爲說法要受不殺戒彼鬼白言我及眷屬唯仰血肉以自存活今以戒故當云何活我卽答曰今勑弟子隨有修行佛法之處令施汝食不能施者非吾弟子一字臣  
第七卷

優婆塞戒經云。若多財寶。有良福田。內無信心。  
不能奉施。亦名貧窮。是故智者隨有多少。任力  
**施與**  
莊字函  
第四卷

施與  
第四卷

四字  
卷

愛心擇捨福不廣 奉親著施果尤虧  
法苑云佛之姨母摩訶波闍波提佛已出家。手  
自紡績預作一端金色之氈。積心係想奉上如  
來佛令持施衆僧。波提重白佛言自佛出家心  
每思念故手自作唯願垂愍爲我受之。佛告之  
曰知母心專欲用施我然恩愛心福不弘廣若  
施衆僧獲報彌多。我知此事是故相勸府宇函  
第一卷

府宇函  
第一卷

妻子。困苦奴婢而布施者。是假名施。不名義施。名無憐愍。不知報恩。是人未來。雖得財寶。常失不集。不能出用。身多病苦。

射字函  
第五卷

施有五種爲如法。復於五事所不應。法苑論云。財施有五種。一至心施。二信心施。三隨時施。四自手施。五如法施。又云。所不應施。復有五事。一非理求財。不以施人物不淨故。二洒及毒藥。不以施人。亂衆生故。三置羅機網。不以施人。惱衆生故。四刀杖弓箭。不以施人。害衆生。

故五音樂女色。不以施人。壞淨心故。

府字函  
第七卷

○莫謂非理施無益。○也從惡趣得優游。

大智度論云。若人鞭打拷掠。閉繫。非理得財。而布施者。生象馬牛中。雖受畜形。負重鞭策。羈絆乘騎。而得好屋好食。爲人所重。以人供給。又如惡人多懷瞋恚。心曲不端。而行布施。當墮龍中。七寶宮殿。妙色好食。又如嬌人多慢瞋心。布施墮金翅鳥中。有如意珠。以爲瓔珞。變化萬端。種所須無不如意。又如宰官之人。枉濫得財。以

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100 1 2 3 4 5 6 7 8 9 100

用布施。墮鬼神中。作鳩槃茶鬼種種變化。五塵自娛。又如多瞋狠戾好嗜酒肉之人而行布施。墮地夜又鬼中常得種種音樂飲食。又如有人剛暴強梁而能布施。車馬代步墮虛空夜叉中而有大力所至如風。又如有人妬心好譁能以房舍臥具衣服飲食布施。生宮觀飛行夜叉中種種娛樂。有便身物。若憚前人強求其物而營福者。反招其罪。不如淨治內心。得利轉勝。德字函第

卷二

既我無施宜緘口。遮彼行檀自取殃。百緣經云。目連入王舍城乞食。見五百餓鬼。白言尊者願垂哀愍語我家中。言我等輩爲長者子。在自放逸不好布施。不信三寶。見諸沙門入城乞食。既不自施。逆遮他人言此道人不自生活。但仰百姓。今若與者後日復來。終無厭足。以是業緣墮餓鬼中。唯願尊者語諸親里。共設大會。請佛及僧使脫此身。目連告曰汝等至會所不餓鬼答曰。身如燋柱。腹如太山。咽如細針。髮

如錐刀。肢節洞然。馳走求食。了不能得。設見耳  
饑。變成膿血。云何能詣會所。目連如言。語其眷  
屬爲設會時。入定遍觀。彼諸餓鬼不見。惟其所  
以尋往白佛。佛告目連。彼諸餓鬼業風吹去。非  
汝聲聞所能知見。蒙汝設會。罪垢得除。吾自能  
令來至會所。佛爲說法。其夜命終。生忉利天。涅槃字

函第  
五卷

貧者雖窮應可施。阿誰無線并麁塵。  
優婆塞戒經云。無財之人。自說無財。是義不然。

何以故。一切水草人無不有。雖是國王。不必能  
施。雖是貧窮。非不能施。何以故。貧窮之人。亦有  
食分。食已先器。棄蕩滌汁。施應食者。亦得福德。  
若以塵麁施於蟻子。亦得無量福德果報。天下  
極貧。誰無塵許麁耶。誰有三日食三揣麁。命不  
全者。是故諸人。應以食半。施於乞者。善男子。極  
貧之人。誰有赤裸無衣服者。若有衣服。豈無一  
縫施人。天下之人。誰貧無身。如其有身。見他作  
福。身應往助。亦名施主。亦得福德。梵字函  
第四卷

天下至難惟有五 困中能施以推先

四十二章經云。天下有五難。貧窮布施難。豪貴

學道難。判命不死難。得覩佛經難。生值佛世難。

不知足雖富而貧。若知足雖貧而富。四十二章經云。佛告比丘。若欲曉諸苦惱。當觀

知足。知足之法。即是富樂安隱之處。知足之人。雖臥地上。猶爲安樂。不知足者。雖處天堂。亦不

稱意。不知足者。雖富而貧。知足之人。雖貧而富。不知足者。常爲五欲所牽。爲知足者之所憐愍。

辭字

財屬五家非我物 慚不散施後生貧

寶積經云。善安大梵天王太子語父母曰。金銀  
琉璃。水精。碑礫。碼碯。明珠。寧可藏乎。欲濟貧乏。  
况一切財業。非是真寶。水火盜賊。縣官惡子。五  
家有分耳。父母言善。如子所志。便取廣施。

函第  
師字

優婆塞戒經云。若人得財。貪惜不施。當知即是

未來世中。貧窮種子。

第  
五卷

函第  
四卷

大藏 一覽

卷二

四

80 1 2 3 4 5 6 7 8 9 90 1 2 3 4 5 6 7 8 9 100

親與非親應等惠 捨並不捨豈常存

寶積經云。在家菩薩於自子所不應極愛。若於子所生於極愛。非他人所。則爲自毀。應以三法而自訶責。何等爲三菩提道。是平等之心。非不平等心。菩提道。是正行所得。非邪行得。菩提道是無異行得。非離行得。復次應訶已心。於自子所生怨家想。惡知識想。非善知識想。違逆佛智平等之慈。害我善根。彼應隨處自調於心。如愛其子。一切亦然。如愛自身。一切亦然。應修是觀。

我異處來。子異處來。何以故。一切衆生。會爲我子。我亦是彼諸衆生子。終不生念我子。彼非。何以故。去至六趣。而復爲怨。或復爲子。我其當作等親。非親。我以何故。於其所親。倍生愛與。於非親所。一切不與。若我生於愛不愛心。不能趣法。何以故。不等之行。至不等處。行平等行。至於等處。我不應行是不等行。我學等心。與諸衆生。至一切智。又云。在家菩薩乞者來求。隨所施財。應至心念我所施財。及不施財。但當散滅。不滿所

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

願必當歸死我不捨財財當捨我我今當捨令作堅財然後乃死捨此財已死時無恨

始字函  
第二卷

獨輸牧女最先供復美純陀末後食

釋迦譖云佛成道時林外有一牧牛女人難陀波羅時淨居天來下勸言太子今者在於林中汝可供養女人聞已心大歡喜于時地中自然而生千葉蓮華華上有乳女人見此生奇特心卽取乳糜至太子所頭面禮足而以奉上太子卽便受彼女施而咒願之今所施食欲令食者

得充氣力能使施家安樂無病終保年壽智慧具足太子復言爲我成熟一切衆生故受此食卽受食之身體光悅堪受菩提

形字函  
第三卷

經律異相云佛臨入滅有拘尸城工巧之子名曰純陀泣告世尊我等從今無主無收貧窮孤困欲從如來求將來食唯願哀受我等微供然後涅槃佛言我今爲汝斷除貧窮以無上法雨雨汝身田令生法芽令汝具足檀波羅蜜純陀號哭復白大衆同共禮勸佛莫涅槃佛告純陀

諸佛法爾。有爲亦然。速辦所施。不宜久停。是時天人皆來奉供。佛悉不受。大衆唱言。善哉純陀。成就大福。我等供具。則爲唐捐。世尊欲滿衆望。一一毛孔化無量佛。一一諸佛各有無量諸比丘僧。悉皆受供。釋迦如來自受。純陀所奉設者。食滿八斛。以佛神力。皆悉充足。一切大衆。

靈字函第

四

薩埵投身憂虎餓。達王割肉貿鷺餓。

金光明經云。曩世有王摩訶羅。陁生三太子。長

子名曰摩訶波那羅。次子名曰摩訶提婆。小子名曰摩訶薩埵。出遊林野。見有一虎。適產七日。而有七子。周匝圍繞饑餓。欲絕。第一王子怪其饑逼。必還噉子。第三王子問言。此虎所食何物。第一王子報言。此虎食新肉血。第三子言。君等誰能與此虎食。第二子言。此虎饑困。餘命無幾。不容餘處。爲其求食。設餘求者。命必不濟。誰能爲此不惜身命。第三王子作是念言。我從昔來。多棄是身。都無利益。復觀是身。如水上沫。多諸

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

蟲戶不淨可惡。我今捨離以求寂滅無上法身。  
慮兄遮難同還中路。薩埵潛身復至虎所作是  
誓言。我今爲利一切衆生求於菩提捨難捨故。  
臥餓虎前虎無能爲求刀不及卽以乾竹刺頸  
出血於高山上投身虎前于時大地六種震動  
是虎卽舐王子身血啖食其肉唯留餘骨二兄  
見地大動疑弟捨身共復虎前果見如此佛言。  
爾時薩埵今我身是大王羅陁今頭檀是王妃  
夫人今摩耶是第一王子今彌勒是第二王子。

今調達是虎瞿夷是虎七子者今五比丘及舍  
利弗目犍連是。

度無極經云昔薩婆達王普施衆生恣其所索。  
天恐奪位往而試之帝釋卽現命邊王曰薩婆  
達王慈潤滂沛福德巍巍懼奪吾位卽化爲鷹  
邊王作鷂趣王足下恐怖告曰哀哉大王吾命  
窮矣王曰莫恐吾今活汝鷂尋後至云鷂此來  
鷂是吾食願王見還王曰鷂來逃命終始無違。  
苟欲得肉卽當相與鷂曰唯願得鷂不用餘肉。

王曰以何等物令汝置鵠歡喜而去。鷹曰若王慈惠憫衆生者割王肥肉而以易鵠吾當欣受。王乃大喜自割髀肉對鵠稱之令與鵠等鵠之愈重割身肉盡故未能敵瘡痛無量王以慈忍又命近臣曰殺我稱髓令與鵠等吾奉佛戒濟衆危厄雖有衆惱由如微風焉能動太山耶。鷹復本身稽首問曰大王何志苦惱若茲曰吾不志天帝釋及飛行皇帝吾觀衆生沒于肓冥誓願求佛救度彼衆帝釋驚曰我謂大王欲奪吾

位是以相試王曰使我身瘡瘳復如舊志常布施天藥傳之瘡瘳頓愈稽首繞王三匝歡喜而去。

靈字函

竭析全軀書一偈求聞半偈捨全軀

智度論云釋迦文佛爲菩薩時名曰樂法時世無佛不聞法語四方勤求了不能得爾時有魔變作婆羅門語我有佛所說一偈汝能以皮爲紙以骨爲筆以血爲墨書寫此偈當以與汝樂法念言喪身無數不得是利卽自剝皮曝之令

乾欲書其偈。魔便滅身。佛知至心。卽從下方涌出。爲說深法。得無生忍。

立字函  
第九卷

涅槃經云。過去佛日未出。我於爾時。作婆羅門。修菩薩行。遍求經典。不聞名字。雪山坐禪。精修苦行。釋提桓因。變作羅刹。形甚可畏。唱過去佛所說半偈。諸行無常。是生滅法。說已便住。是苦行者。聞此半偈。心生歡喜。四顧無人。唯見羅刹而作是語。適所聞偈。啓悟我心。羅刹說耶。或非說耶。他答我言。我不食來。已經多日。饑渴所迫。

心亂謬語。非我本心之所知也。我復語之。汝所說者。義猶未備。若能爲我說是偈竟。我當終身爲汝弟子。羅刹答曰。汝但念法。不念我饑實不能說。我卽問言。所食何物。答所食者。唯人暖肉。及所飲者。唯人熱血。我語。但爲全舉。是偈當以身施羅刹答言。誰當信汝。爲八字故。棄所愛身。我卽答言。捨不堅身。得金剛身。諸佛菩薩能證是事。羅刹卽說。生滅滅已。寂滅爲樂。語汝已聞。具足偈義。當施我身。時我踊躍。若石若樹。處處

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

寫已卽上高木自投而下羅刹復還帝釋之身接我置地以是因緣超十二劫在彌勒前成就

菩提

第一字函  
第四卷

施雖多而獲福少施雖少而獲福多菩薩本行經上云賢者須達居家貧窮至信道德往佛聽法佛問在家之士當行布施不布施也須達白佛當行布施多施耶少施耶以好意施耶不好意施耶佛言所施雖多而獲報少所施雖少而獲報多何謂施多而獲報少雖多布

施而無至心無恭敬心不大歡喜貢高自大所施之人信邪倒見非是正見不得快士所施雖多而獲報少猶如耕田薄地之中下種雖多收實甚少何謂施少而獲大福所施雖少歡喜心與清淨心與恭敬心與不望報與所施之人復得快士佛及辟支沙門四道應正見者所施雖少獲報弘大猶如良田所種雖少收實甚多

器字

又般若經云何多行布施攝受少福少行布施

80 1 2 3 4 5 6 7 8 9 100 1 2 3 4 5 6 7 8 9 100

攝受多福。若諸菩薩雖經殲伽沙劫。恒捨無量珍財。施諸有情。亦不回向無上菩提。願與有情皆同證得一切智智。如是菩薩多行布施。攝受少福。若諸菩薩雖經少時。施有情類。少分財物。而能回向無上菩提。如是菩薩行少布施。攝受多福。

珍字函  
第九卷

論其先苦而後樂。復有先樂而後苦。增一阿含經云。比丘問佛。以何因緣先苦後樂。先樂後苦。先苦後苦。先樂後樂。佛答。若人百歲。

之中作諸功德。或百歲中造諸惡業。彼於異時或冬受樂。或夏受苦。如少時作福。長時作罪。後生之時少時受福。長時受罪。若少時作罪。長時作福。後生之時少時受苦。長時受樂。若復少長常作功德。分檀布施。彼於後生先後背樂。又云。若有人生卑賤之家。然無邪見。以知昔日施德之報。感得富貴。不作施德。恒值貧賤能改所作。後生饒富。是謂先苦後樂。或有花生豪族之家。然彼邪見。與邊見相應。後生地獄。若得爲人在。

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100 1 2 3 4 5 6 7 8 9 100

貧賤家。是謂先樂後苦。或人先生貧賤之家。然懷邪見。與邊見。後生地獄。若貧賤家。是謂先苦後苦。或人先生富貴之家。敬重三尊。恒行惠施。後生人天。恒受富貴。是謂先樂後樂。馨字函  
第一卷

或有身樂心不樂。或復心樂身不樂。增一阿含經云。或有人身樂心不樂。或有人心樂身不樂。或身心俱樂。或身心俱不樂。若作福凡夫於四事中。衣服飲食。臥具醫藥。無所乏短。但不免三惡道苦。是謂身樂心不樂。若阿羅漢。

不作功德。於四事供養之中。不能自辦。但免三惡道苦。是謂心樂身不樂。若凡夫人。不作功德。不得四事供養。復不免三惡道苦。是謂身心俱不樂。若作功德。阿羅漢。四事供養。無所短乏。復免三惡道苦。是謂身心俱樂。馨字函  
第一卷

或施有果而無用。或施有用而無果。彌勒所問論云。布種果有四種。一有果無用。二有用無果。三有果有用。四無果無用。初有果無用者。謂不至心施。不自手施。輕心布施。彼如是。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

施雖得果報。不能受用。如舍衛天主。雖得種種珍寶。不能受用。二。有用無果者。謂自不施。見他如天子物。一切沙門婆羅門等。雖得受用。而自無果。又如轉輪聖王四兵。雖得衣食。而不得果。三。有果有用者。謂至心施。不輕心施。如樹提御諸長者等。四。無果無用者。謂布施已。因卽滅盡。或爲出世聖道障故。猶如遠離煩惱聖人。

傳字函

卷四

○未離欲施生人天。○能起悲心成佛道。  
智度論云。未離欲布施。生人中富貴。及六欲天中。若離欲心布施。生梵世天上。乃至廣果天。若離色心布施。生無色天中。離三界布施。爲涅槃。故得聲聞道。布施時。惡厭憤悶。好樂閑靜。喜深智慧。得辟支佛。布施之時。起大悲心。欲度一切。得成佛道。

名字函  
第三卷

受者因物以爲惡。施人推憫有何愆。文殊所問經下云。佛告文殊。如有一人。日月施。

大藏一卷

卷七

食。有人來乞。因得食故。劫盜他財。是誰得罪。文殊白佛。非施主得罪。施主唯有施意。不令作盜。佛答。如是如是。

墨字  
函

但知不等爲平等。那識將兒付與兒。文殊所問經下云。文殊白佛。菩薩能以妻子布施。如醜婆羅門。聞須達拏太子好施。不逆人意。就求二子。以爲僕使。歡喜施之。子拒不隨。被婆羅門鞭縛將去。何無平等慈心。佛告文殊。如人有兩兒。以其小兒施於大兒。此父母是平等心。

否。大兒打拍。小兒遂死。誰當得罪。文殊白佛言。世尊。父母等心。無有罪過。大兒自得此罪。我於衆生。常平等心。如羅睺羅可愛可念。提婆達多亦可愛可念。是故菩薩無有罪過。

墨字  
函

供養在心不在事。施先論心後論田。智度論問曰。菩薩若以一食供養一佛及僧。尚是難事。何況十方諸佛及僧。答曰。供養在心。不在事也。若菩薩以一食大心供養十方佛僧。不以遠近爲礙。是故諸佛皆見。皆受。問曰。諸佛有

80

123456789

90

123456789

100

123456789

100

123456789

100

123456789

100

123456789

一切智。故皆見皆受。僧無一切智。云何得見得受。答曰。僧雖不見不知。而其供養施者獲福。譬如有人遣使供養彼人。彼雖不得。而此人已獲施福。如慈心三昧。於衆生雖無所施。而行者功德無量。名字函  
第二卷

又問曰。菩薩遇得便以供養。何以隨意求索。答曰。福德從心。於所愛重持用供養。得福增多。如阿育王因地小兒時。以所重土持用奉佛。得聞浮提王。若大人雖以多土施佛。而無所得。非所

重。故有人偏貴重華。以其所貴持供養佛。得福增多。乃至隨宜寒衣熱扇。亦復如是。建  
第十卷

宗鏡云。如舍利弗。以一鉢飯上佛。佛卽回施狗。而問舍利弗。汝以飯施我。我以飯施狗。誰得福多。舍利弗言。如我解佛法義。佛施狗得福多。舍利弗者。於一切人中。智慧最上。而佛福田最爲第一。不如佛施狗惡田得福極多。以是故知大福從心生。不在田也。如舍利弗千萬億倍。不及佛心。問曰。如汝說福田妙。故得福多。而舍利弗

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

施佛不得大福。答曰。良田雖復得福多。而不如心所以者何。心爲內主。田是外事。菩薩本緣經偈云。若行惠施時。福田雖不淨能生廣大心果報無有量。故知福從心生。不因田出。別請五百阿羅漢不如依次一凡僧。何者。以平等心福勝。取捨心福微。則勝劣由心。豈在田乎。施法既爾。六度萬行亦然。

車字函  
第四卷

施雖悲田勝敬田。君但心等其福等。

諸經要集問。若施聖人得福多者。云何經說智

人行施。不簡福田。答。今釋此意義有多途明能施之人。有愚智之別。所施之境。有恭敬之殊。悲是貧苦敬是三寶。悲是田劣而心勝。敬是田勝而心劣。若取心勝施佛。則不如施貧。故有諸衆生見他聚集作諸福業。但求名聞傾家財物。以用布施。及見貧窮孤獨呵罵驅出。不濟一毫。如此衆生。名爲顛倒作善。癡狂禍福甚可憐憫。用財甚多。獲福甚少。善男子。我於一時。告諸大衆。若人捨阿僧祇身。供養十方諸佛。菩薩聲聞不

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100

如有人施畜生一口飲食其福勝彼百千萬億乃至施與蟻等悲田最勝如舍利弗一飯上佛回施狗若據敬法重人敬田卽勝故又經云漢辟支尚不如佛况餘類也若據平等而行施者無問悲敬等心而施得福弘廣故維摩經云分作二分一分施佛難勝如來一分與城中最下乞人福田無二也

對字函  
第十卷

施藏無盡分十門

此義相對復五種

華嚴經云十無盡藏中第六施藏而有十種謂分減施竭盡施內施外施一切施過去施未來施現在施究竟施分減施者謂菩薩好行惠施若得美食不專自受要與衆生然後方食几所受物悉亦如是若自食時念我身中有八萬戶蟲我身充樂彼亦充樂我身饑苦彼亦饑苦我受此食願令衆生普得充飽爲施彼故而自食之竭盡施者謂菩薩資生之具有人來言悉當與我菩薩念自無始以饑餓故喪

80 1 2 3 4 5 6 7 8 9 90 1 2 3 4 5 6 7 8 9 100

1 2 3 4 5 6 7 8 9 100 1 2 3 4 5 6 7 8 9 100

身無數。未嘗毫許饒益衆生。而獲善利。我今當同往昔捨命隨其所有一切皆施。饒益於彼盡。命無惱。內施者。謂菩薩受輪王位。有人白言。重病將死。若得王身手足頭目。我必存活。菩薩念言。身後必死。無一利益。念已施之。外施者。謂菩薩受輪王位。有人言。貧。願求其位。菩薩念言。榮盛必衰。至於衰時。不能饒益。我今隨彼充滿其意。內外施。謂菩薩處輪王位。有人白言。王處已久。願捨與我。及王爲我臣僕。菩薩念言。

身及王位。悉是無常。當以不堅而求堅法。即便施之。乃至以身恭勤作役。一切施。謂菩薩處輪王位。時有貧人。而乞國土。或髓腦或妻子。菩薩念言。一切恩愛。會當離別。以此皆施。過去施。謂菩薩聞過去諸佛菩薩。所有功德。聞已不着。了達非有。但爲教化。取著衆生成熟佛法。而爲演說。復觀過去諸法。十方推求。都不可得。畢竟皆捨。未來施。謂聞未來佛之所修行。了達非有。不取於相。不別樂生諸佛國土。亦不生厭

不以善根回向於彼亦不於彼而退善根。但欲  
處所非無處所。非內非外。非近非遠。復作是念。  
若法非有。不可不捨。現在施。謂菩薩聞諸天  
王。乃至二乘。具足功德。聞已。心不迷沒。但觀諸  
行。如夢不實。無有貪著。爲令衆生捨離惡趣。修  
菩薩道。成就佛法。而爲開演。究竟施。謂菩薩  
假有衆生。諸根殘缺。告言方便。捨已所有。令我  
具足菩薩觀身。臭穢不淨。云何戀著。應以捨彼

經僧祇劫。諸根不具。亦不悔惜。復念此身危脆  
不堅。我今云何而生戀著。應以施彼。充滿其願。

第一章  
第一卷

諸經要集云。布施五種相對。謂田財對。輕重對。  
空有對。多少對。染淨對。對復有四。第一田財  
相對。一田勝財劣。如童子施土與佛。二財勝田  
劣。如將珍寶施貧人等。三田財俱勝。如將寶施  
佛。四田財俱劣。如將草施畜等。第二輕重相  
對。一心重輕財。如貪女將一瓊施大眾。得福弘多。

二財重心輕。如王夫人心慢多將寶物施衆僧。  
得福渺少。(三四類)前可知 第三空有相對。一心空不

空境。如雖學空觀照惜財不施還得貪報。二空

境不空心知其財施得富弘多樂捨得福。(三四類)前可知

第四多少相對法句喻經云施有四事一  
施多得福少者如愚癡之人祭祀費用無有福  
慧是爲施多得福少二施少得福多者如以慈  
心供道德人精進學誦此施雖少其福彌大是  
爲施少得福多三施少得福少者慳貪惡意施

邪見人俱兩愚癡是謂施少得福亦少四施多  
得福多者若有覺世無常建立塔寺供養三尊  
福如大河流入于海世世不斷是爲施多其報  
亦多第五染淨相對一施者清淨受者不淨  
二施者不淨受者清淨三施受俱淨四施受俱  
不淨且解一句餘三可知何等三俱清淨者如  
寶積佛寄華奉上釋迦文佛

對字函  
第十卷

大施三輪清淨空 一檀具六波羅蜜

般若經云舍利子問善現言云何修檀波羅蜜

80 1 2 3 4 5 6 7 8 9 100 1 2 3 4 5 6 7 8 9 100

多答有二種。一者世間二出世間善現答言。若菩薩爲大施主能施沙門婆羅門孤露乞者。隨其所須悉皆施與。若復有求妻子王位頭目髓腦。內外之家並皆施與。雖作是施而有所依。謂作是念我施彼受以有所得而爲方便。與諸有情同共回向阿耨菩提。復作是念我持此福施諸有情令得此世他世安樂乃至證得無餘涅槃。彼著三輪而行布施。一者自想。二者他想。三者施想。由著此三輪而行施故名世間布施波羅蜜多。

羅蜜多何緣此施名爲世間以與世間同共行故舍利子言云何出世間布施波羅蜜多善現答言若菩薩行布施時三輪清淨。一者不執我爲施者。二者不執彼爲受者。三者不著施及施果是爲菩薩行布施時三輪清淨。舍利子若菩薩以大悲爲首所修施福普施有情於諸有情都無所得。雖與有情同共回向阿耨菩提而於其中不見少相。由都無所執而行施故名出世間布施波羅蜜多。何緣此施名出世間不與世間。

間同共行故能超越出世間法故乃至持戒安忍精進靜慮般若五波羅蜜中唯出世間三輪清淨一者不執我。能修二者不執所爲有情三者不著其果餘義與施皆同

恭字雨  
第五卷

又金剛般若云菩薩於法應無所住行於布施所謂不住色布施不住聲香味觸法布施菩薩應如是布施不住於相何以故若菩薩不住相布施其福德不可思量須菩提於意云何東方虛空可思量不不也世尊須菩提南西北方四

維上下虛空可思量不不也世尊須菩提菩薩無住相布施福德亦復如是不可思量須菩提菩薩但應如所教住頌曰若論無相施功德極難量行悲濟貧乏果報不須望凡夫情行劣初且略稱揚欲知檀狀貌如空徧十方

智度論云一念中能行六波羅蜜多謂布施時如法捨財是檀波羅蜜安住大善道中布施不向二乘是尸波羅蜜慳等煩惱及魔等來不能動心是羼提波羅蜜布施不息是精進波羅蜜

攝心不散。無疑無悔。是禪波羅蜜與者受者。乃至財物俱不可得。是般若波羅蜜。

正字函  
第一卷

○先讚彼施使破慳。○後毀此檀令勿著。大乘論曰。譬如如來。先爲一人讚歎布施。後還

毀訾。釋曰。有衆生。如來先爲讚歎布施功德。後時或毀此施。何以故。若人於財物有慳惜心。爲除此心。故先爲讚歎布施。若人已樂行施施。是下品善根。如來復毀此施。令彼渴仰其餘勝行。若不由此意讚而又毀。則成相違。由有此意。故

一施中雖是讚毀。違而不違。

與字函  
第六卷

○財施輪回非解脫。○法檀出世永逍遙。

未曾有經云。帝釋問野干曰。施食施法有何功德。答曰。布施飲食濟一日之命。施珍寶財物濟一世之乏。增益繫縛說法教化。名爲法施。能令衆生出世間道。

奇字函

大丈夫論云。財施者。人道中有法施者。大悲中有財施者。除衆生身苦。法施者。除衆生心苦。財施者。爲其作無盡錢財。法施者。爲能無盡智財。

80 1 2 3 4 5 6 7 8 9 100 1 2 3 4 5 6 7 8 9

施者爲得身樂。法施者爲得心樂。財施者爲衆生所愛法施者。以爲世間所敬。財施者爲愚人所愛法施者。爲智者所愛。財施者能與現樂法施者能與涅槃之樂。

盡字函  
第九卷

法苑云。比丘比丘尼。優婆塞優婆夷。能教化人具足施戒。多聞智慧。若以紙墨。令人書寫。若自書寫。如來正典。然後施人。令得讀誦。是名法施。如是施者。未來天上。得好上色。何以故。衆生聞法。斷除瞋心。以是因緣。未來世中。得成上色。衆

生聞法。慈心不殺。以是因緣。未來世中。得壽命長。衆生聞法。不盜他財。以是因緣。未來世中。多饒財寶。衆生聞法。開心樂施。以是因緣。未來世中。身得大力。衆生聞法。離諸放逸。以是因緣。未來世中。身得安樂。衆生聞法。除愚癡心。以是因緣。未來世中。得無礙慧。衆生聞法。信心無疑。以是因緣。未來世中。信心明了。故知法施殊勝過於財施。

經字函  
第十卷

又偈云。百千世界中。滿中真金施。不如一法施。

又金剛經偈云。寶滿三千界。齊持作福田。唯成有漏業。終不離人天。持經取四句。與聖作良緣。欲入無爲海。須乘般若船。

出世間檀心顛倒。出世間施聖稱揚。智度論云。出世間檀清淨。不雜諸垢。智慧和合。是聖人所稱譽。世間檀不清淨。雜諸結使。顛倒心著。是聖人所不稱譽。問曰。云何名檀。答曰。布施心相應善思。是名爲檀。又云。有信。有福。固有

財物。三事和合時。心生捨法。能破慳貪。是名爲檀。檀有種種利益。檀爲寶藏。常隨逐人。檀爲破苦。能與人樂。檀爲善鄉。開示天道。檀爲善府。攝諸善人。檀爲安隱。臨終不怖。檀爲集樂。能破苦賊。檀爲大將。能伏慳敵。檀爲妙果。人天所愛。檀爲淨道。聖賢所由。富貴安樂之林藪。得道涅槃之津梁。

德宇函  
第十五卷

80

60

100

8

種種說法。令其開悟。名爲法施。衆生畏死持戒。

不害。名無畏施。德字函  
第四卷

聲聞雖施終此岸。菩薩行檀始那邊。

智度論問曰。阿羅漢辟支佛亦能到彼岸。何以不名波羅蜜。答曰。羅漢辟支慶彼岸。與佛度彼岸。名同而實異。彼以生死爲此岸。涅槃爲彼岸。而不能度檀之彼岸。所以者何。不能以一切物。一切時。一切種布施。設能布施。亦無大心。或以無記心。或有漏善心。或無漏心。施無大悲心。不

能爲一切衆生施。菩薩施者。知布施不生不滅。無漏無爲。如涅槃相爲一切衆生故。是名檀波。

羅蜜 德字函  
第二卷

法苑云。云何布施。得到彼岸。不得彼岸。答曰。如舍利弗。六十劫中。行菩薩道。欲度彼岸。時有人來。就乞其眼。舍利弗言。眼無所任。何以索之。若須我身。及財物者。當以相與。答言不須。唯欲得眼。人時舍利弗。出一眼與之。乞者得眼。於舍利弗前嗅之。嫌臭。唾而棄地。又以腳踏。舍利弗思。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

惟眼實無用。而強索之。如此人輩。不可度也。不如自調。早度生死。於菩薩道。退回小乘。是名不到彼岸。

府字函

迷心利已墮聲聞。姓達法利他超菩薩。

智度論云。不爲衆生。亦不爲知諸法實相故施。但求脫生老病死。是爲聲聞檀。爲一切衆生故施。亦爲知諸法實相故。是爲諸佛菩薩檀。於諸功德不能具足。但欲少許分。是爲聲聞檀。一切功德。欲其滿足。是爲諸佛菩薩檀。畏老病死故。

施。是爲聲聞檀。爲助佛道。爲化衆生。不畏老病死。是爲諸佛菩薩檀。

德字函

不惟布施能生福。元來慳惱也招殃。正法念處經云。不施資財。不以法施。不施無畏。常懷憚嫉。以是因緣生餓鬼中。

初字函

施法雖是善因緣。爲財穢招惡果報施。

諸經要集云。爲財物故與人說法。不以悲心利益衆生。而取財物。或用飲酒。或與女人共飲共食。

100 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

食如伎兒法。自賣求財。如是法施。其果甚少。生於天上。作智慧鳥。能說偈頌。是名下品法施。爲名聞故。爲勝餘法師故。爲人說法。得報亦少。生於天中。受中異報。或生人中。是名中品法施。以清淨心。爲欲增長衆生智慧。及邪見者。令住正法。不爲財利。如是法施。自利利人。無上最勝。乃至涅槃。其福不盡。是名上品法施。又云。若慳惈法障。他慧明。由是常生邊地。無佛法處。此則不如責法他人。反勝過此。後懷字函  
第二卷

修慧無福。乾慧貧。修福無慧。癡福濁。

經律異相云。迦葉佛時。兄第二人。共爲沙門。兄持戒坐禪。一心求道。而不布施。弟乃修福。而常破戒。後報生中。兄雖爲人。從釋迦出家。得阿羅漢。衣常不克。食常不飽。弟生象中。能却怨敵。國王所愛。金銀珍寶。瓔珞其身。封數百戶邑。以供給之。時兄比丘值世大歉。遊行七日。乞食不得。未後得少麩食。知象是前世弟。而語之曰。我昔與汝俱有罪也。象識宿命。憂愁不食。王問有人

80

90

100

120

犯此象不答曰。唯一沙門來至象邊便去。王覓  
沙門問之。對以前因。王意乃悟。丙字函  
第七卷

財法二施始成功 福慧兩全方作佛

法苑云。前五度警同盲人第六般若事同有目。若不得般若開道。前五便墮惡道。不成出世。若聞法施過於財施。愚人不解。卽便秘財。唯樂讀經。若行此法不如有人解心布施一錢。勝如迷心讀經百千萬卷。是故如來設教意存解行。解卽  
慧行唯解無行。解卽便虛。唯行無解。行卽便孤。

要具解行方到彼岸。復次唯解無行。如人有目無足不能遠涉。唯行無解。如人有足無目。不能見道。是故要須解行雙行。方成佛果。經字函  
第十卷



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

有龍是文要無鞭汗雙汗式如鞞果

萬十卷  
驗字函

無足不論袁趙鈞言無鞭吸人首目無目不論  
要具鞭汗式經始貴剪大鈞鞭無汗吸人首目

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

